

賜板

訂正東醫寶鑑

十四

雜病篇六

積聚

浮腫

脹滿

消渴

黃疸

ヤ 9  
905  
16



門 8  
號 905  
卷 16

中 9  
653

訂正東醫寶鑑雜病篇卷之六

御醫忠勤貞亮扈聖功臣崇祿大夫陽平君臣許浚奉教撰

積聚

積聚之因

靈樞曰喜怒不節則傷藏藏傷則虛風雨襲虛則病起於上留著於脉稽留不去息而成積。著於陽明之經則挾臍而居飽食則益大飢則益小。著於緩筋也似陽明之積飽食則痛飢則安。著於腸胃之膜原痛而外連於緩筋飽食則安飢則痛。著於脊筋在腸後者飢則積見飽則積不見按之不得。清溼襲虛則病起於下積之始生得寒乃生厥乃成積厥氣生足惋足惋生脛寒脛寒則血脉凝澀血脉凝澀則寒氣上入於腸胃入於腸胃則膜脹膜脹則腸外之汁沫迫聚不得散日以成積。卒然多飲食則脹滿起居不節用力過度則陽絡脉傷陽絡傷則血外溢陰絡

東醫寶鑑雜病篇卷之六

傷則血內溢血內溢則後血謂後分腸胃之絡傷則血溢於腸外腸外有寒汁沫與血相搏則并合疑聚不得散而積成矣。帝曰人之善病腸中積聚者何以候之。少俞答曰皮膚薄而不澤肉不堅而淖澤如此則腸胃惡惡則邪氣留止積聚乃成。腸胃之間寒溫不次邪氣稍至蓄積留止大聚乃起。內經曰寒氣客於小腸膜原之間絡血之中血不得注於大經血氣稽留不得行故衄昔而成積。

### 論五積六聚

病有積有聚何以別之。然積者陰氣也聚者陽氣也故陰沈而伏陽浮而動氣之所積名曰積氣之所聚名曰聚積者五藏所生聚者六府所成積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故以是別知積聚也。難經曰病有積有聚有瘵氣何謂也。師曰積者藏病也終不移聚者府病也發作有

時展轉痛移為可治瘵氣者肺下痛換之則愈復發為瘵氣。仲景曰肝之積名曰肥氣在左脇下如覆盂有頭足久不愈令人發咳逆。方云脇痛。連歲不已。心之積名曰伏梁如梁之橫架心下起臍上大如臂上至心下久不愈令人煩心。脾之積名曰痞氣在胃脘覆大如盤。作孟久不愈令人四肢不收發黃疽飲食不為肌膚。肺之積名曰息賁喘息奔而上行也。在右脇下覆大如孟久不已令人洒淅寒熱喘咳發肺癰。腎之積名曰奔豚若豚之奔衝發於小腹上至心下若豚狀或下或上無時久不已令人喘逆骨痿少氣。難經曰肝積面青脈弦而長。作細定在左脇下。心積面赤脈數而實定在心下。脾積面黃脈大而虛。作沈而實定在中脘。肺積面白脈數而浮定在右脇下。腎積面黑脈寸口大實。作沈而急定在小腹。綱目

### 伏梁有二證

帝曰病有小腹盛上下左右皆有根此為何病可治否。岐伯曰病名曰伏梁裹大膿

血居腸胃之外不可治治之每切按之致疾。帝曰人有身體腫脹胸皆腫環臍而痛是為何病岐伯曰病名伏梁此風根也其氣溢於大腸而著於胃胃之原在臍下故環臍而痛不可動之動之為水尿泄之病此二病同名而實異也。內經

### 脉法

鬱脈多沈伏或結或促或代。正傳。鬱脈沈瀦積脈弦堅。丹心。病在右脇有積氣得肺脈結結甚則積甚結微則積微肺脈雖不見右手脉當沈伏難經。心肺有積其脉皆喘數肝有積其脉弦長脾腎有積其脉皆大。綱目。脉弦緊為積脉弦緊而微細者癥也夫癥瘕積聚之脉皆弦緊在心下即寸弦緊在胃腕即關弦緊在臍下即尺弦緊。內有積不見脉難治見一脉相應為易治。診積聚其脉堅強急者生虛弱者死。脉弦而伏者腹中有癥不可轉也必死不治。脉經。五藏為積六府為聚積在本位聚無定處駛緊浮牢小而沈實或結或伏為聚為積實強者生沈小者死。脉訣。

五積屬陰。沈伏附骨肝弦心芤腎沈急滑脾實且長肺浮喘卒。六聚結沈痼則浮結。又有癥瘕其脉多弦弦急瘕疾弦細癥堅。沈重中散食成瘕左轉沈重氣癥胃前若是肉癥右轉橫旋積聚癥瘕緊則痛纏虛弱者死實強可痊。回春。腹中有積脉忌虛弱。診婦人疝瘕積聚之脉弦急者生虛弱小者死。脉經。

### 六鬱為積聚癥瘕癖之本

氣血冲和百病不生。一有佛鬱諸病生焉鬱者病結不散也。丹心。熱鬱而成痰痰鬱而成癖血鬱而成癥食鬱而成痞滿此必然之理也。又氣鬱而溼滯溼滯而成熱熱鬱而成痰痰滯而血不行血滯而食不消化而遂成痞塊此六者相因而為病也。正傳。鬱者結聚而不得發越也當升者不得升當降者不得降當變化者不得變化也此為傳化失常六鬱之病見矣。丹心。一日氣鬱二日溼鬱三日熱鬱四日痰鬱五日血鬱六日食鬱此六

兼醫寶鑑雜病篇六

鬱也六鬱不言風寒者風寒鬱則為熱故也丹心  
○治鬱之法順氣為先降火化痰消積分多少而  
治蒼朮蕪芎總解諸鬱丹心○內經曰木鬱達之  
火鬱發之土鬱奪之金鬱泄之水鬱折之張子和  
曰木鬱達之謂吐之命其條達也火鬱發之謂汗  
之命其疎散也土鬱奪之謂下之命無壅碍也金  
鬱泄之謂滲泄解表利小便使也水鬱折之謂抑之  
制其衝逆也此治五鬱之大要耳正傳○諸鬱通  
用六鬱湯麩麩丸麩麩保  
和丸加味麩麩丸 諸方

### 六鬱湯

通治六鬱香附子二錢川芎蒼朮各一錢半  
陳皮半夏製各一錢赤茯苓梔子仁各七分  
縮砂甘州各五分右剉作一貼薑三水煎服丹心  
○氣鬱加木香檳榔烏藥紫蘇葉○淫鬱加白朮  
羌活防己○熱鬱加黃連連翹○痰鬱加南星瓜  
蒹仁海粉○血鬱加桃仁牡丹皮韭汁○食鬱加  
山楂子神麩  
麥芽入明

### 六鬱湯

開諸鬱火便香附蒼朮神麩梔子連翹陳皮  
川芎赤茯苓貝母枳殼紫蘇葉各一錢甘州  
五分右剉作一貼薑  
三片水煎服醫鑿

### 麩麩丸

解諸鬱蒼朮便香附川芎神麩炒梔子炒各  
等分右為末水和丸如菉豆大溫水下七九  
十丸丹心○麩音戊細麩也麩丸一名芎朮丸凡  
願欲不遂如寡婦僧道之類名利不遂或先富後  
貧或久病不愈者  
皆宜服此入門

### 麩麩保和丸

開鬱行氣消積散熱白朮三兩山楂肉  
二兩蒼朮川芎神麩炒便香附陳皮半  
夏白茯苓枳實黃連酒炒當歸酒洗各一兩梔子  
炒連翹蘿蔔子炒木香各五錢右為末薑汁泡蒸  
餅和丸梧子大薑  
湯下五十九丸醫鑿

### 加味麩麩丸

解諸鬱開胃膈進飲食蒼朮泔浸薑汁  
炒蕪芎便香附神麩炒梔子炒各四兩

### 氣鬱

陳皮去白白朮炒黃芩炒各一兩半山楂肉蒸一兩右為末稀糊和丸梧子大白湯下五六十九丸  
胃滿脇痛脉沈澁宜用香附蕪芎蒼朮  
木香調氣散解鬱調胃湯麩麩丸  
吞下交感丹  
方見神門

### 溼鬱

周身關節走痛首如物蒙足重遇陰寒便發脉沈濡宜用蒼朮川芎白芷赤茯苓  
湯方見溼門平  
胃散方見內傷

### 熱鬱

目蒙口乾舌燥小便赤濁脉沈數宜用青黛香附蒼朮川芎梔子  
入門  
宜服升陽散火湯火鬱湯  
二方並見火門

### 痰鬱

胃滿動則喘急起臥怠惰寸脉沈滑宜用海石香附子瓜蒌仁南星  
入門  
宜服瓜蒌枳殼湯升發湯  
二陳

### 血鬱

四肢無力能食小便淋大便紅脉沈澁宜用桃仁紅花青黛川芎香附子  
入門  
宜服生韭飲順氣丸當歸活血湯

### 食鬱

噫酸惡食黃疸鼓脹痞塊脉氣口緊盛宜用蒼朮香附山查子神麩鐵砂醋炒  
入門  
宜服香砂平胃散散鬱湯

### 木香調氣散

治氣鬱烏藥藥香附枳殼青皮陳皮厚朴蕪芎蒼朮各一錢木香縮砂各五分桂皮甘艸各三分右剉作二貼薑三片水煎服  
回春

### 解鬱調胃湯

治氣分之火壅遏於中時作刺痛皆由怒憂思慮勞心所致也梔子鹽水炒當歸酒洗各一錢二分白朮陳皮白茯苓各一錢赤芍藥酒浸生乾地黃酒洗薑汁炒香附米各八分神麩炒麥芽炒各七分川芎六分桃仁生甘艸各四分右剉作二貼薑三片水煎服  
回春

### 瓜蒌枳殼湯

治痰鬱瓜蒌仁枳實桔梗川芎蒼朮香附杏仁片苓酒炒貝母炒陳皮各一錢  
縮砂木香各五分甘州三分右剉作  
一貼水煎入竹瀝薑汁調服回春

### 升發二陳湯

治痰鬱半夏二錢陳皮蕪芎赤茯苓各  
一錢半柴胡防風升麻甘州各一錢右  
剉作二貼入薑  
三片煎服入門

### 生韭飲

治血鬱胃脘有瘀血作痛生桃仁七箇連  
皮細嚼以生韭汁一盞送下即效回春

### 順氣丸

治血鬱香附子八兩以童便浸晒  
乾為末以粟米糊和丸服綱目

### 當歸活血湯

治血鬱當歸赤芍藥川芎桃仁各一錢  
牡丹皮香附子烏藥枳殼青皮各八分  
紅花五分桂皮乾薑炮甘州各三分  
右剉作二貼入薑三木煎服回春

### 香砂平胃散

治食鬱蒼朮厚朴陳皮便香附各一錢  
山查肉縮砂枳殼麥芽神麩乾薑木香  
各五分甘州二分右剉作二貼入  
薑三木煎服回春

### 散鬱湯

治食鬱陳皮赤茯苓各一錢半蒼朮白芍藥  
川芎梔子各一錢二分枳殼香附各一錢甘  
州五分右剉作二貼入薑三煎服○鬱則胃熱鬱  
散則上焦行下疏通水穀之陰自滋沛身中之陰  
氣自生矣丹心

## 痞塊積聚所屬部分

凡痞塊積聚在中為痰飲○在右  
為食積○在左為血積丹心○夫  
左為血塊右為食積中為痰飲此言誠然夫左關  
肝膽之位主藏血液右關脾胃之位主藏飲食中  
間則為水穀出入之道路所以左為血  
塊右為食積中為痰飲其理昭然丹心

## 痞塊證治

塊是有形之物氣不能成塊乃痰與食積外  
血也宜用化痰丸丹心○凡痞塊在皮裏膜  
外俱宜二陳湯加補氣行氣藥先須斷厚味丹心  
○治塊當降火消食積即痰也行灰血塊去後須

大補之丹心。凡婦人有塊多屬於血丹心。痞塊一名癥瘕其不能移動者是癥塊也。或有或無或上或下或左或右者是瘕塊也。俱用潰堅湯丸為主。丹心。脇下有塊宜當歸龍薈丸。方見五藏加桃仁薑黃各一兩蜜丸服之。入門。驚氣成塊者妙應丹。方見痰飲。加穿山甲炒鱉甲燒各三錢。玄胡索蓬朮各四錢每服五七十九丸以利為度。綱目。痞塊宜用連羅丸消塊丸加味柴平湯消積保中丸開懷散柴香散保和丸化痞丹兼用膏藥外貼之。諸方。凡腹中有塊不問積聚癥瘕俱為惡候切勿視為尋常若脹滿已成胃腹鼓急雖倉扁復生亦莫能救其萬一也。正傳。

### 化塊丸

治痞塊及血塊海粉酒煮三稜蓬朮並醋煮。右為末醋糊和丸。梧子大。白朮湯下三五十丸。丹心。

### 連羅丸

治食積成塊在兩脇作痛雷鳴嘈雜眩暈黃連一兩半取一兩以吳茱萸五錢

### 補

同炒去茱萸一兩以益智五錢同炒去益智白茯苓蘿蔔子並炒各一兩半梔子川芎三稜蓬朮桃仁香附子山查肉神麴各一兩青皮五錢右為末蒸餅和丸。梧子大白湯吞下五六十丸。入門。○一名白芥丸。入門。今名消積丸。俗方。

### 消塊丸

治痞塊癥瘕大黃四兩硝石三兩人參百料各一兩半右為末陳醋三升置磁器內先納大黃煎不住手攪使微沸盡一升下餘藥末熬至可丸則丸如梧子大米飲下三十九丸當利如雞肝惡物。入門。○一名硝石丸。千金。

### 加味柴平湯

治積塊有熱柴胡黃芩半夏蒼朮厚朴陳皮山查肉青皮枳殼神麴三稜蓬朮各七分甘草五五分右剉作二貼入薑棗二水煎服。回春。

### 消積保中丸

散痞除塊白朮土炒三兩陳皮去白二兩半夏白茯苓香附醋炒蘿蔔子炒白





今增損五積丸更妙入門。內經曰破積用毒藥，衰其大半而止。藥凡大積大聚消其大半乃止。藥過劑則灰。東垣。肝積用肥氣丸。心積用伏梁丸。脾積用吞氣丸。肺積用息賁丸。腎積用奔豚丸。六聚宜用散聚湯香稜丸。太七氣湯太阿魏丸。太安丸。入門。積初為寒宜辛溫消導。太七氣湯烏白丸。阿魏丸。久則為熱宜辛寒推蕩。木香檳榔丸。方見氣門。通玄二八丹消塊丸。入門。治積要法大抵以所惡者攻之。所喜者誘之。則易愈。如礪砂水銀治肉積。神麩麥芽治酒積。水蛭蝨虫治血積。木香檳榔治氣積。牽牛甘遂治水積。雄黃膩粉治痰積。礪石巴豆治食積。各從其類也。本事。又云三稜蓬朮治血積。香附枳實治食積。山楂阿魏治肉積。海粉礪石治痰積。雄黃白礪治虫積。乾薑巴豆治寒積。黃連大黃治熱積。丹心。五積六聚通用增損五積丸消積。正元散肥氣丸伏梁丸吞氣丸息賁丸奔豚丸。又有奔豚湯散聚湯香稜丸。太七氣湯潰堅湯潰堅

丸真人化鐵湯諸方。宿血滯氣凝結為癥瘕腹中痞塊堅硬作楚。當以破氣藥伐之。或以類相從。如敗梳治風痕。銅屑治龍痕。麩藥治米痕。石灰治髮痕。得效。

### 增損五積丸

通治五積。黃連肝積五錢。脾腎積七錢。脾腎積八錢。川烏肝肺積一錢。心腎脾積五分。乾薑肝心積五分。肺脾腎一錢半。人參肝心脾肺積二錢。腎積五分。茯苓一錢半。巴豆霜五分。右為末。蜜丸。梧子大。初服二丸。漸加以微瀉為度。治積塊不拘。臍上下左右通用。如肝積加柴胡一兩。川椒四錢。蓬朮三錢。皂角昆布各二錢。半。心積加黃芩三錢。肉桂茯苓神丹參各一錢。菖蒲五分。肺積加桔梗三錢。天門冬青皮陳皮白豆蔻各一錢。紫苑川椒各一錢。半。脾積加吳茱萸黃芩縮砂各二錢。澤瀉茵陳各一錢。川椒五分。腎積加玄胡索三錢。苦練肉全蝎附子獨活各一錢。澤瀉菖蒲各二錢。肉桂三分。丁香五分。入門。

消積正元散

治痰飲氣血鬱結食積氣不升降積聚  
脹痛白朮一錢半神麴香附枳實玄胡  
索海粉各一錢赤茯苓陳皮青皮縮砂麥芽炒山  
植肉甘州各七分右剉作一貼薑三水煎服  
名開鬱正元散  
無枳實有桔  
梗入門

肥氣丸

治肝積柴胡一兩黃連七錢厚朴五錢川椒  
四錢甘州三錢蓬朮人參昆布各二錢半皂  
角白茯苓各一錢半乾薑巴豆霜各五分川烏二  
分右為末蜜丸梧子大初服一丸日加一丸二日  
加二丸至大便澀便漸減服  
周而復始塊減半勿服正傳

伏梁丸

治心積黃連一兩半厚朴人參各五錢黃芩  
桂枝茯苓神丹參各一錢乾薑菖蒲巴豆霜川  
烏各五分紅豆蔻二分右為末蜜丸  
梧子大黃連湯下服如正傳

痞氣丸

治脾積黃連八錢厚朴四錢吳茱萸三錢黃  
芩二錢縮砂一錢半白茯苓人參澤瀉各一  
錢茵陳乾薑各一錢半川烏川椒各五分桂枝巴  
豆霜各四分白朮二分右為末蜜丸梧子大甘州  
湯下服如正傳

息賁丸

治肺積黃連一兩三錢厚朴八錢川烏桔梗  
白茯苓川椒紫苑各一錢半青皮巴豆霜各五分  
右為末蜜丸梧子大薑湯吞下服如正傳

奔豚丸

治腎積厚朴七錢黃連五錢川鑠子三錢白  
茯苓澤瀉菖蒲各二錢玄胡索一錢半全蝎  
附子獨活各一錢川烏丁香巴豆霜各五分肉桂  
二分右為末蜜丸梧子大鹽湯下服如正傳

通玄二八丹

治積聚黃連八兩芍藥當歸生地黄烏  
梅各五錢為末雄豬肚一具入藥於內  
以線縫之鋪韭菜二斤於鍋內蒸之一日以藥熟  
為度取出槁丸梧子大空心薑湯下七十九丸或瀉  
下二次以粥  
補住入門

奔豚湯

治腎積半夏二錢川芎當歸各一錢生甘草李根皮乾葛各一錢黃芩芍藥甘艸各七分右剉作一貼入薑三棗

散聚湯

治六聚及癥瘕隨氣上下心腹刺痛二便不利厚朴吳茱萸枳殼各一錢半陳皮杏仁桂心赤茯苓各一錢川芎附子炮甘艸炙各五分半夏檳榔當歸各四分右剉作一貼薑三棗水煎服

香稜丸

治五積六聚氣塊三稜檳榔各三兩山楂肉皮各一兩黃連神麩麥芽鱉甲乾漆桃仁礪砂縮砂當歸尾木香甘艸各五錢右為末醋糊和丸梧子大白湯下三

大七氣湯

治五積六聚心腹脹二便不利三稜蓬朮青皮陳皮桔梗藿香益智仁香附子肉桂甘艸各一錢右剉作一貼薑三棗水煎服

四肢無力皆緣內有虫積或好食生米或壁土或茶炭鹹辣等物只此一服除根用水煎露一宿空心溫服不得些少飲食不然則藥力減而虫積不行矣服後心腹痛當下惡物如魚凍虫蠟至日午下積盡方用溫粥止之醫鑑

潰堅湯

治五積六聚諸般痞塊當歸白朮半夏陳皮枳實山查肉香附子厚朴縮砂各一錢木香五分水磨取汁右剉作一貼

潰堅丸

治同上前方加海粉瓦礮子鱉甲炙為細末將阿魏醋煮化入薑汁糊和丸梧子大酒下

真人化鐵湯

治五積六聚疝癰瘕瘕三稜蓬朮青皮陳皮山查肉神麩香附子枳實厚朴黃連當歸川芎桃仁檳榔各五分紅花木香甘艸各三分右剉作一貼薑三棗一煎服

### 癥瘕疝瘕證治

癥者堅而不移，瘕者堅而能移，皆因痰飲食積，久血而成塊積，聚癥瘕疝瘕，其亦曰蛇蛟蟹肉髮虱米也。瘕名有八：青黃燥血脂狐蛇蟹是也。此等病偶因食物相感，而然瘕比癥稍輕，又有腸覃石瘕血蠱，皆女子之疾，種種不同，乃瘕塊之異名也。千金。瘕者徵也，腹中堅硬，按之應手曰瘕。瘕者假也，腹中雖硬而忽聚忽散，無有常處曰瘕。瘕因傷食，瘕是血生瘕，原傷氣，瘕則傷精。入門。瘕瘕入於婦人子藏，則絕產，入於胞絡，則經閉。治法詳見婦人門。入門。疝者，在腹內近臍，左右各有一條筋，麻急痛如疝，指如弦之狀，名曰疝。瘕者，偏僻在兩脇之間，有時而痛，名曰瘕。凡癥瘕疝瘕得冷則痛。入門。積者，跡也，挾痰血以成形跡，亦鬱積至久之謂也。聚者，緒也，依元氣以為端緒，亦聚散不常之意也。癥者，徵也，又精也，以其有所徵驗及久而成精萃也。瘕者，假也，又遐也，以其假借氣血成形，及歷年遐遠之謂也。

### 養正積自除

也。癥瘕者，應絕隱僻，又玄妙莫測之名也。大抵痞與疝瘕乃胃腸間之病，積與聚為肚腹內之疾，其為上中二焦之病多，見于男子，其瘕與瘕獨見于臍下，是為下焦之疾，故常得于婦人也。正傳。治法同積聚。腸覃石瘕血蠱，見下。腸覃生於腸外，月事時下石瘕，生於胞中，月事不下。千金。易老云：養正積自除，譬如滿座皆君子，縱氣強則積自消矣。更能斷厚味，節色慾，戒暴怒，正思慮，庶乎萬全而無害。綱目。壯人無積虛人則有之，皆由脾胃怯弱，氣血兩衰，四時有感，皆能成積。若遠以磨積破結之藥治之，疾似去而人已衰矣。治法當先補虛使氣血壯，則積自消。宜用木香枳殼丸。入門。又治五積六聚癥瘕積塊元氣虛弱瘦怯，飲食不進，四肢沈困，宜補中益氣湯。方見內傷。加三稜蓬朮青皮香附桔梗藜香益智肉桂回春。凡攻擊之藥有病則病受之，無病則胃氣受傷，胃氣若清純中和之氣也，惟與穀肉菜果相

宜益藥石皆偏勝之氣雖參芪性亦偏況攻擊者乎丹心

### 木香枳殼丸

治飲食積聚心腹脹痛嘔逆吞酸黑五厚朴半真人參木香青皮陳皮三稜蓬朮檳榔神麩麥芽各一兩乾生薑枳實各五錢右為末薑汁糊和丸梧子大薑湯下七十九。凡人有積病則氣滯而後此方攻補兼施真得古人養正積自除之理五誠心服之丹心

### 腸覃石瘕血蠱證治

腸覃乃寒氣客於大腸與胃相搏結而為瘕覃延日久瘕肉乃生始如雞卵久如懷胎按之堅推之移月事時下或多或少此氣病而血未病也宜二陳湯加香附三稜蓬朮鱉甲並醋炒。石瘕者胞中傷損瘀血結成久則堅硬如石塞於子門大如懷孕月事不下乃先感寒氣而後血壅所致宜用歸露丸石莖散通經丸方見婦人。桃仁煎。血蠱即癥瘕之甚者腹

肚堅硬如石宜用醋煮三稜丸三稜煎丸萬病丸桃奴散抱甕丸斑玄丸諸方

### 晞露丸

治腸覃病惡血成癥瘕作痛三稜蓬朮各一兩並酒浸以巴豆三十粒去皮同炒黃去巴豆乾漆炒烟盡川烏炮各五錢礪砂四錢別研香鹽炒青皮去白雄黃別研各三錢穿山甲炮二錢麝香五分輕粉別研一錢右為末薑汁麪糊和丸梧子大溫酒或薑湯下二三十九 綱目

### 石莖散

治石瘕紫石英醋淬一兩當歸尾馬鞭州紅花炒烏梅肉各五錢蓬朮三稜並醋炒蘇木節各三錢沒藥琥珀甘州各一錢右為末以濃煎蘇木酒調下二錢不飲酒薑湯調下三四

### 桃仁煎

治婦人血蠱血瘕血積經候不通桃仁大黃各一兩蚘虫炒五錢朴硝一兩右為末先以醇醋一升二合銀石器中慢火煎取七合許下桃仁大黃蚘虫未攪下下次下朴硝更熟攪良久出之丸如梧子前一日不吃晚飯五更初溫酒吞下五丸取下惡物如豆汁雞肝未下再服見鮮血即

止藥千金

### 醋煮三稜丸

治血蟲三稜四兩醋煮竹刀切晒乾川芎二兩醋煮大黃五錢醋煨右為末醋糊和丸梧子大每三十丸醋湯下一月見效細目

### 三稜煎丸

治婦人血積血塊血蟲大黃八兩為末三稜蓬朮各一兩並煨為末右將大黃醋煮令稠和丸菘豆大白湯下三五十九醫鑿

### 萬病丸

治室女月經不通臍下堅結大如盃升寒熱羸瘦若生肉瘦不可為也乾漆炒冷烟盡牛膝酒浸一宿各一兩六錢生地黃四兩八錢取汁右銀石器內下地黃汁入二藥末慢火熬丸如梧子大酒下一二丸病去即止三四

### 桃奴散

治血蟲及瘀血停積經水不通桃奴微鼠糞玄胡索肉桂五靈脂香附子各炒過縮砂桃

仁各等分右為末每三錢以溫酒調下入門

### 抱獲丸

治血蟲及婦人鬼胎如抱一獲芫花吳茱萸川烏參朮柴胡白殭蚕巴戟巴豆各等分右為末蜜丸梧子大每七丸蜜酒吞下惡物立出而愈入門○輕者去芫花巴豆巴戟三味名曰斬鬼丹丹心

### 斑玄丸

治鬼胎惑於妖魅狀似癥瘕及一切血病斑疔玄胡索各等分右為末醋糊和丸酒下三三丸胎墮為效入門

### 息積病

帝曰人有病脇下滿氣逆二三歲不已是為何病岐伯曰病名曰息積此不妨於食不可灸刺積為導引服藥藥不能獨治也內經○

### 磨積丸

治腸胃因虛氣癖於背膜之外流於季脇氣逆息難積月頻年醫所不治久則榮衛停凝

一、朝敗濁瀆為癰膿多致不救胡椒一百五十粒  
木香二錢半全蝎十箇右為末粟米飯和丸某豆  
大橋皮湯下  
十五丸得效

### 化氣湯

治息積癖於腹脇之下偏脹膨滿不妨飲食  
諸藥不能療逢朮乾生薑陳皮青皮丁香皮  
茴香炒甘艸炙各五錢縮砂桂心木香各二錢半  
胡椒沈香各一錢一字右為末每取二錢以生薑  
紫蘇葉鹽少許  
煎湯調下得效

### 導引法

治息積以兩手拇指壓無名指本節作拳按  
脚跌坐叩齒三十六展氣二十一息嚙氣三  
口再屏息再嚙如是三作以氣通  
為效遇子午卯酉時則行得效

### 諸物傷成積

凡入脾胃虛弱或飲食過常或生冷過度  
不能消化致成積聚結塊心腹脹滿噫氣  
吞酸面青肌瘦 日食積二日酒積三日麩積四  
日肉積五日魚蟹積六日果菜積七日芥積八日

### 食積

水積九日血積  
十日虫積得效  
食不消化成積痞悶宜用平胃散方見內傷加縮  
砂香附子神麩麥芽入生薑紫蘇葉煎服得效

### 酒積

酒傷成積者面黃黑腹脹時嘔痰水宜用對金飲  
子方見內傷加葛根赤茯苓縮砂神麩煎服  
酒積宜用麩葉丸酒積丸治酒積方甘遂一  
錢為末以猪槽頭肉一兩細切搗爛和藥末作一  
丸溼紙裹火煨令香熟取出臨臥細嚼以酒送下  
丹心又方黃連酒浸一宿焙為末以橘紅葛根  
湯調下一錢壽域葛花解醒湯常服亦佳東垣  
遇仙丹方見虫門保和丸烏白丸並治酒積入

### 麩積

食麩過多成積取阿魏丸以濃煎蘿蔔子湯吞下  
麩糕傷成積噫酸心腹作痛百藥不效取青木  
香丸方見前陰三百粒白丁香十粒神麩二錢同  
為末入巴豆肉二粒更研和勻蒸餅為丸某豆大



**肉積** 以生薑橘皮湯下二三十九丸滯去自安。○粉積以紫蘇濃煎湯加杏仁泥服即散得效。食肉過多成積宜用阿魏丸。小阿魏丸三稜煎丸。人門。

**魚蟹積** 食魚蟹過傷成積香蘇散。方見瘟疫多加生薑。木香煎服。○妙應丹遇仙丹。方見虫門並佳。得效。

**果菜積** 多食果菜成積用平胃散加丁香香麝香為末熟鹽湯調服日三。○果菜積宜用桂香丸妙應丹。得效。

**茶積** 喜吃茶成積成癖及吃乾茶者石膏黃芩升麻為末砂糖水調下。細目。○茶積取川椒為末麪糊和丸。梧子大茶清下十九丸。丹心。○茶癖茶積宜用星朮丸。方見內傷磨積丸。得效。

**水積** 多飲水漿成積胃脇引痛歷洛有聲宜十棗湯。方見寒門。○花神佑丸。方見濕門。○芎夏湯。方見痰門。破積導飲丸。服之並佳。直指。

**血積** 瘀血成積或因打撲或因墮落以致莖子胃腹面黃糞黑宜用抵當湯。方見寒門。○桃仁承氣湯。方見寒門。○勝紅丸增味四物湯。三稜煎三稜煎丸。方見上。

**蟲積** 飲食積聚變化成虫宜用妙應丸。方見虫門。○溫白丸萬病丸紫金錠。方見解毒。

**保和丸** 治食積酒積山楂肉一兩半夏薑製蘿蔔子炒黃連炒陳皮各五錢神麪炒三錢麥芽炒二錢右為末神麪糊和丸。梧子大白湯下五七十丸。丹心。○一方山楂五兩神麪半夏各三兩茯苓陳皮蘿蔔子連翹麥芽炒各一兩右末。別以神麪五兩為末作糊丸服。正傳。

**大安丸** 治食積乃脾經消導之劑也。山楂肉白朮各二兩神麪半夏茯苓各一兩陳皮連翹蘿蔔子炒各五錢右為末神麪糊和丸服。如上法。正傳。

**紅圓子** 治食積酒積脾積血氣諸般癥塊。三稜蓬朮青皮陳皮各五兩胡椒乾薑各一兩右為末。

東醫寶鑑卷之九

醋煮麩糊和丸梧子大礬紅為衣薑湯吞下五七十九丸得效

### 佐脾丸

治食積山楂肉三兩連翹陳皮蘿蔔子炒各五錢赤茯苓半夏各一錢右為末粥丸棗豆大溫水吞下五七十丸丹心

### 麩丸

治酒癖不消腹脹吞酸嘔逆不食神麩炒麥芽炒各一兩黃連五錢巴豆肉三粒同炒去巴豆右為末沸湯和丸梧子大薑湯下五七十九丸得效

### 酒積丸

治酒積烏梅肉黃連酒浸一宿各一兩半夏麩七錢枳實縮砂各五錢木香四錢杏仁三錢巴豆霜一錢右為末蒸餅和丸棗豆大薑湯吞下八九丸或十九丸綱目

### 烏白丸

治酒積消痰食烏梅肉生薑各四兩白礬半夏各二兩搗勻以新瓦夾定火焙三日夜入神麩麥芽陳皮青皮蓬朮丁香皮太腹子枳殼各一兩右為末酒糊和丸梧子大薑湯下五十九丸

### 阿魏丸

食麩食生果過多不能消化致成積腹痛嘔惡亦治肉積阿魏酒浸化桂皮蓬朮麥芽炒神麩炒蘿蔔子青皮白朮乾薑各五錢百艸霜三錢巴豆三七粒去皮油右為末薄糊和丸棗豆大薑湯下二三十丸麩傷用麩湯吞下生果菜傷以麩香湯下得效

### 阿魏丸

治肉積及食積成塊阿魏一兩醋煮軟山楂子蘿蔔子神麩麥芽陳皮青皮香附子各二兩右為末次餅和丸服丹心一方阿魏山楂各一兩黃連六錢半連翹五錢右為末醋糊和丸服名曰小阿魏丸入門

### 三稜煎丸

治肉積脾虛為肉食所傷腹滿膨痛三稜生細剉為末八兩以醋三升石器熬成膏神麩麥芽並炒各三兩青皮乾漆炒蘿蔔子炒各二兩杏仁糊砂飛研各一兩右為末以三稜膏和丸梧子大薑湯下二三十丸得效

妙應丹

治飲食中蠱毒或食水陸果瓜子卵入腹而成虫蛇魚鼈或宿食留飲結為癥瘕附子四箇七錢重者生去皮臍剉作爨入礪砂共一兩七錢重麩裹煨熟去麩不用華檢木香青皮破故紙各三兩半右為末麩糊和丸梧子大生薑橘皮湯下三十九丸得效

桂香丸

治多食雜瓜果子成積腹脹氣急桂心一兩麝香一錢右為末飯丸某豆大白湯吞下十五丸入門

磨積丸

治茶積飲食減少面黃腹痛陳倉米半升巴豆肉七粒同炒金米赤去巴豆入青皮橘紅各二兩右為末好醋搜和為丸既豆大淡薑湯下二二十九丸得效

勝紅丸

治血積酒積及婦人脾血積氣三稜蓬朮並醋炒青皮陳皮乾薑炮良薑炒各一兩香附子醋炒二兩右為末醋糊和丸梧子大薑湯下三十五丸丹心

增味四物湯

治血積四物湯料加三稜蓬朮乾漆炒肉桂各等分煎服東垣

三稜煎

治食癥酒癖血瘦氣塊三稜蓬朮各四兩芫花一兩同入磁器中米醋五盞浸之封口灰火煨令乾取出稜朮將芫花以餘醋炒令微焦共焙乾為末醋糊和丸某豆大薑湯下十五丸入門

破積道飲丸

治水積痰飲積木香檳榔陳皮青皮枳實枳殼蓬朮三稜半夏神麩麥芽茯苓乾薑澤瀉甘艸各五錢白芷頭末六錢巴豆三十一粒去皮心膜油右為末薑汁糊和丸梧子大薑湯下三十五丸丸綱目

積聚癥瘕痞痞痞塊通治藥

宜用溫白丸萬病丸金露丸荊蓬煎丸祕方化滯丸三稜消積丸寬中丸萬應丸延年護命丹桃溪氣寶丸

溫白丸

治積聚癥瘕癖黃疽鼓脹十種水氣八種痞塞五種淋疾九種心痛遠年瘧疾及療七十二種風三十六種尸疰癩狂邪祟一切腹中諸疾川烏炮二兩半吳茱萸桔梗柴胡菖蒲紫莞黃連乾薑炮肉桂川椒炒巴豆霜赤茯苓皂莢炙厚朴人參各五錢右為末煉蜜和丸梧子大薑湯下三九或五丸至七丸局方。一各萬病紫苑丸海藏。治婦人腹中積聚有似孕懷孕羸瘦困弊或歌笑如痴祟服此藥自愈久病服之則皆瀉出虫蛇惡膿之物乃愈得效

萬病丸

療七種瘕塊八種痞病五種癩癧十種疰忤疾十種水病八種大風十二種淫痺及積聚脹滿久遠心痛痛疝疝寸白諸虫久積痰飲消瘦疲困或婦人子藏中瘀血凝滯因此斷產服此藥以三二丸為一劑不過三劑其病悉除說無窮盡故稱萬病丸巧藥川椒肉桂芍藥乾薑防風巴豆霜當歸犀角鎊桔梗芫花醋炒赤茯苓人參黃芩黃連桑白皮蒲黃前胡大戟葶藶子炒麝香細辛雄黃朱砂紫苑禹餘糧醋淬研水飛甘遂牛黃各一兩蜈蚣十二節去頭足炙芫青二十八箇糯米同炒米黃色取去翹足蜥蜴去頭尾足炙四寸右為末蜜丸小豆大溫水或薑湯下三九以吐利為度局方

金露丸

治腹內一切積聚癥瘕塊作痛與萬病丸同功州烏炮黃連各一兩生乾地黃貝母巴豆霜桔梗柴胡紫苑吳茱萸菖蒲乾薑白茯苓桂心芎藭人參甘州防風厚朴枳殼鱉甲川椒甘遂各五錢右為末麪糊和丸梧子大薑湯下三九或五丸局方

荊蓬煎丸

消癥塊冷熱積聚破痰癥消積化宿食二稜蓬朮並酒浸二日夏則一日取出同巴豆肉三十八粒石礬內同炒黃色去巴豆卻用湯浸去白各二兩木香枳殼青皮茴香炒檳榔各一兩右為末麪糊和丸菉豆大薑湯下三九十九丸得效

良方醫集監准病論

祕方化滯丸

理一切氣化一切積久堅沈痼磨之即消暴積乍留導之即去奪造化有通塞之功調陰陽有補瀉之妙三稜蓬朮並煨各四錢

八分半夏麩木香丁香香青皮陳皮並去白黃連各二錢半巴豆肉醋浸一宿熬乾六錢烏梅肉焙乾細末五錢右為末以烏梅末入白麩少許煮作糊和丸黍米大每服五七丸至十丸欲通利則以熱湯下欲磨積則以陳皮湯下欲止泄則飲冷水

三稜化積丸

治諸般積聚三稜酒煮六兩山楂肉四兩大黃酒蒸檳榔各三兩蓬朮醋煮水

香青皮陳皮香附子醋炒枳實厚朴縮砂神麩炒麥芽炒南星薑湯泡半夏薑製蘿蔔子炒黃連炒桃仁乾漆炒甘州各一兩右為末醋糊和丸梧子大白湯下四五十丸醫鑿

寬中丸

治七癢八癢五積六聚痰癖氣塊胃腹脹痛面黃肌瘦一切沈滯之疾蒼朮炒息藥香附子各二兩三稜蓬朮並醋煮焙青皮陳皮乾薑炮

良薑炮茴香炒神麩炒麥芽炒各一兩右為末醋

糊和丸梧子大薑湯下五十九丸類聚

萬應丸

破一切積散一切氣氣盡血塊癥瘕積聚食積肉積酒積鼓脹浮腫痰癖等證礪砂水飛

阿魏醋研大黃吳茱萸青礬石與焰硝同煨肉桂木香青皮玄胡索五靈脂茴香炒穿山甲蛤粉炒乳香沒藥當歸菖蒲皂角乾漆炒檳榔陳皮枳殼三稜蓬朮並醋煨丁香良薑炒甘遂芫花大戟雄黃各二錢半巴豆霜一錢半右為末醋糊和丸梧子大薑湯下三五十丸類聚

延年護命丹

治三十六般積二十四般氣及血積虫積大黃十兩半生半醋浸切作片焙乾

黑丑頭末一兩蓬朮三稜並炮芫花鼈甲醋炙各五錢陳皮二錢半與芫花同醋浸一宿焙乾沒藥乳香輕粉各一錢右為末蜜和搗千杵每一兩分作四丸細嚼一丸溫水送下臨臥時明早取下惡物為效二三日只喫白粥將息忌生冷油膩類聚

桃溪氣寶丸

治積聚癥瘕腹脇如抱一食瘦瘠露骨一切氣積食積大便祕澀寒熱往來黑丑頭末二兩大黃一兩半檳榔青皮各一兩羌活川芎陳皮茴香炒木香當歸各五錢右為末熬早角膏和丸薑湯下

外貼法

凡積聚痞塊用藥外貼金消散可用三聖膏琥珀膏五仙膏貼痞膏諸方

三聖膏

貼積塊風化石灰半斤為末瓦器炒令淡紅色提出候熱稠減次下大黃末一兩就爐外炒候熱減入桂心末五錢略炒入米醋熬成黑膏厚紙攤開貼患處入門

琥珀膏

治同上大黃朴硝各一兩為末大赤鴉為膏和勻作片貼之丹心一方加麝香五分名稱黃膏入門

五仙膏

治一切痞塊積聚癥瘕大黃皂角生薑生蔥大蒜各半片右共搗爛水煎取汁去渣再熬成膏黑色為度攤絹帛上先以鐵刺患處後貼膏藥回春

貼痞膏

水紅花子二錢大黃朴硝山施石灰各一錢酒醉一塊雞子大共搗成膏用布攤開貼痞塊上再用湯瓶熨手帕勒之三日後揭起肉黑如墨是其效也入門

熨癥法

吳茱萸二三升碎之酒和煮熱布裹熨癥上冷更炒熨移走則逐而熨之外臺

握藥宜積

巴豆乾薑芥子良薑硫黃甘遂檳榔各等分右為末飯丸如中指頭大早朝先以川椒湯洗手了麻油塗手掌中握藥一圓移時便瀉欲止瀉即以冷水洗手得效

難治證

積聚癥瘕不轉動者難治心灰。五積中奔豚證最為難治奔豚從小腹起上衝咽喉發作欲死復還止皆從驚恐得之越人曰驚者神上越也蓋奔豚病上衝咽喉者隨神上越故也神景。抑實論之醫為病所困首惟陰虛之難補久積之難除玉山自倒陰虛之謂也養虎遺患久積之謂也

人之懼此，二患皆可不懼哉。丹心。

單方 凡二十

牛膝 破癥結及卒暴癥腹中有如石刺。取一兩細剉酒煎溫服空心。本州

三稜 主老癖癥瘕結塊取三稜濃煎成膏。每朝取一七酒服日一。本州

玄胡索 破癥癖與三稜積蠶申大黃等分爲末酒服二錢效。本州

大黃 破癥瘕積聚推陳致新最效。大黃爲末醋煮成膏入蜜更煎丸如梧子薑湯下二十九丸。疎風熱去積滯大黃黑丑頭末半生半炒等分。蜜丸梧子大茶清下十五丸空心。本州

商陸 主暴癥腹中有物如石痛刺若不治百日死多取商陸根搗爛蒸之以布藉腹上安藥熨之令復易印。消本州

牽牛子 治五般積聚疰癖氣塊黑丑取頭末半生半炒蜜丸梧子大臨臥時以薑湯吞下甚效。本州

葫蘆 主暴癥腹中堅如石痛欲死葫蘆根一小束細切酒一瓶浸三宿溫服五合日三神效。本州

續隨子 宜一切積滯日服十粒若瀉多取薄酸冷粥喫之即止。本州

桑耳 主血病癥瘕積聚取燒爲末酒調服之。本州

虎杖根 主癥結暴瘕痛欲死取根爲籠末酒漬飲日一。本州

郁李仁 療癖取仁湯浸去皮爲細末每二錢白麩和作燒餅空心食之當快利若不止飲冷醋湯。本州

白楊木 療癥癖堅如石積年不差取東南枝細剉五升熬令黃以酒五升漬之封口經一宿每服

一合日一  
三七本州

魚膾

主腹內伏梁瘕癖氣塊以蒜薑醋食之鯉魚膾尤佳本州

鼈甲

主瘕瘕瘕癖燒黃為末酒服二錢日二次本州

蚶殼

治冷氣瘕癖能消血塊又能消痰一名瓦壘子火煨醋淬二次為末醋糊和丸薑湯吞下入門

黍米泔

患瘕瘕者以新熟赤黍米淘取泔患瘕瘕者以新熟赤黍米淘取泔入門

白頸蚯蚓

主蛇瘕取泔服之入門

桃花萼

破積聚花落時取萼和麪作燒餅食之子

桃奴

治伏梁氣在心下結聚不散桃奴二兩為末空心酒調二錢服之本州

蓼

主瘕癖積氣每日取一握水煮空心服本州

大蒜

爛瘕癖可常食之本州

白馬尿

治龍瘕取飲之即消本州○瘕積滿腹諸藥不差白馬尿服之愈綱目

雄雀屎

主瘕瘕瘕癖伏梁諸塊為末蜜丸空心以米飲吞下本州

人尿

主瘕積滿腹諸藥不差人尿溫服一升空心童子尿尤佳本州

鍼灸法

壯得效○瘕瘕灸足踝後宛中灸隨年壯又灸氣海百壯中脘二百壯得效○瘕瘕積塊先於塊上鍼之甚者又於塊首一鍼塊尾一鍼立應鍼訖灸之又灸二里綱目○積聚取中脘懸樞臍俞高曲補尺澤大谿綱目○伏梁取上脘三里○息貴取巨關期門○奔豚取玉泉即中極穴章門甲乙○積塊取章門中脘氣海天樞上脘通谷綱目○專治痞塊取痞根穴穴在十三領下各開三寸半多灸左邊如左右俱有左右俱灸○又法用秤心量患人足大指齊量至足後跟中住將此桿從尾



骨火量至禪盡處兩傍各開一韭葉許在左灸右  
在右灸左鍼三分灸七壯神效。又法於足第一  
指岐又處灸五七壯左患灸右右患灸左  
灸後一晚夕覺腹中響動是驗也 入門

### 浮腫

腫者鍾也寒熱氣所鍾聚也 醫鑿 ○諸溼腫

### 浮腫之因

陰結謂脾肺之脈俱寒結也脾肺寒結則氣化為  
水內經。下焦溢為水註曰下焦為分注之所氣  
室不瀉則為溢水內經。問曰少陰何主腎腎何  
以主水對曰腎者至陰也至陰者盛水也肺者太  
陰也少陰者冬脈也故其本在腎其末在肺皆積  
水也問曰腎何以能聚水而生病對曰腎者胃之  
關也關閉不利故聚水而從其類也上下溢於皮  
膚故為附腫附腫者聚水而生病也 內經。附腫  
謂皮肉俱腫按之陷下泥而不起也 內經。陰陽  
氣道不通四海閉塞三焦不瀉津液不化水穀并

行腸胃之中別于迴腸留于下焦不得滲勝脫則  
下焦脹水溢則為水脹靈樞。水腫由脾虛溼勝  
凝閉滲道水漬矣行故通身面自手足皆浮而腫  
皮薄而光手按成窠舉手即滿是也或腹大如鼓  
而面目四肢不腫者名曰脹滿又名鼓脹皆脾土  
溼熱為病腫輕而脹重也 丹心。腎熱傳於膀胱  
熱盛逆於脾胃脾虛而不能制腎水脾主四肢故  
流走而身面皆腫也若加喘者重也何以然腎水  
勝而克退脾土反勝心火心又勝肺肺為心剋故  
喘也 錢乙。久喘久瘧久痢羸悴之餘皆患此病  
入門

### 浮腫微兆

諸有水氣者微腫先見於目下也帝曰何以  
言之岐伯曰水者陰也目下亦陰也腹者至  
陰之所居故水在腹者必使目下腫也 內經。目  
裏微腫如臥蚕起之狀曰水內經。頸脈動喘疾  
咳曰水內經。足脛腫曰水內經。視人之目窠  
上微壅如新臥起之狀其頸脈動時咳按其手足

上。宵而不起者，風水膚脹也。鼻頭色微黑者，有水氣。靈樞。腰脊者，身之大關節也。肢體者，人之管也。故飲食不節，喜怒不時，津液內溢，乃下流於壘，血道不通，日大不休，俛仰不便，趨翔不能，此病榮然有水也。靈樞。

### 浮腫形證

水病下為筋腫，大腹上為喘呼，不得臥者，標本俱病，故肺為喘呼，腎為水腫，肺為逆，不得臥。內經。淫勝則濡泄，甚則水閉，附腫。內經。水病有五種：一曰風水，其脈自浮外證，骨節疼痛，惡風，其腹如鼓，不渴，當發其汗。二曰皮水，其脈沈，遲外證，自喘。三曰石水，其脈自沈外證，腹滿不喘。四曰黃汗，其脈沈，遲身發熱，胃滿，四肢頭面腫，灸不愈，必致癰膿。又曰久則肌肉潰爛，陰囊足脛水出。仲景。又有五藏水，心水者，其身重而少氣，不得臥，煩而躁，其陰大腫。肝水者，其腹大不能自轉側，脇下腹中痛，時時津液微生，小便續通。

肺水者，身腫，小便難，時時鴨鳴。脾水者，其腹大，四肢苦重，津液不注，但苦少氣，小便難。腎水者，其腹大，臍腫，腰痛，不得溺，陰下溼，如牛鼻上汗，其足逆冷而黃瘦。仲景。其狀目胞上下微腫，如裹水，通身浮腫，咳喘，怔忡，股間清涼，小便澀，黃皮薄而光，手按成窟，舉手即滿，是浮腫也。直指。又有陽水，陰水，陽水多，外因涉水，冒雨，或感風寒，暑溼，其證先腫上體，肩背手臂熱渴，而二便閉。陰水多，內因飲水及茶酒，飢飽勞役，房勞，其證先腫下體，腰腹脛跗，身涼，大便利。入門。煩渴，小便赤澀，大便秘結，此為陽水。不煩渴，大便澀，小便不赤澀，此為陰水。正傳。又曰石水者，腎水停在臍下，小腹腫大，結硬如石，故云石水。肺水者，流溢皮膚，遍身皆腫，但腹如故，不滿，亦不渴。水蠱者，水毒之氣結聚於內，命腹漸大，動搖有聲，常欲飲水，皮膚癢惡。類聚。朝寬暮急，血虛朝暮急，血氣俱虛。丹心。

脉法

脉得諸沈，當責有水。身體腫重。仲景。水病脉洪，大者可治，微細者不可治。水病腹大如鼓，脉實者生，虛者死。脉經。水氣得沈，脉則逆，此陰脉也。東垣。水氣浮大，則在沈，細則愈而復作。上氣浮腫，浮滑可安，微細難瘳。得效。水腫，脉多沈伏，病，陽水兼陽證，脉必沈，數病陰水兼陰證，脉必沈遲。正傳。沈伏相搏，名曰水。陽虛陰實為水，必矣。三因

水腫治法

治腫脹大法，宜補中行溼，利小便。以人參、白朮為君，蒼朮、陳皮、茯苓為臣，黃芩、麥冬為使，以制肝木，少加厚朴以消腹脹，氣不運加木香。木通氣下陷，加升麻、柴胡，此補中治溼湯方也。丹心。治浮腫，宜以辛散之，以苦泄之，以淡滲之。利之使上下分消，其溼正所謂開鬼門，潔淨府，開鬼門者，謂發汗也。潔淨府者，利小便也。東垣。夫為腫之水，乃腐濁之氣滲透經絡，流注於谷，灌入隧道，血亦因之而化水，欲藉脾土以制之，導腎氣以利之，殊不知脾病則金氣衰，木竄於畏而來侮土，脾

欲不病不可得矣。治法宜清心經之火，補養脾土，全運化之職，脾氣下降，滲道開通，使敗濁之氣稍清者，復向而為氣，為血，為津液，甚者在上下為汗，在下為尿，以漸而分消矣。丹心。諸有水者，腰以下腫，當利小便，宜五苓散。方見寒門。澤瀉散、神助散、防已茯苓湯。仲景。陽水宜八正散。方見小便或人參敗毒散。方見寒門。加麻黃、防風、黃芩、梔子，服則皆能變水，因雨產而浮腫，宜平胃散。方見內傷。加白朮、赤茯苓、艸豆蔻，且服導滯通經湯。寶鑑。飲水過多而浮腫，宜胃苓湯。方見大便。加減胃苓湯退腫塌氣散。聖惠。久喘後水氣宜分氣飲、葶藶丸。方見疰門。久痢變水氣宜黃甲丸。方見疰門。退黃丸。方見疰門。久痢變水氣宜加味腎氣丸，或補中益氣湯。方見內傷。加炮附子久服。瘵痢後通用五皮散。入門。水蠱證宜黃米丸、添雄丸、青木香丸。入門。瀉溼泄水宜三花神祐丸。方見疰門。瘵

東醫寶鑑卷之六

二二六

腎丸神助散入門。瘡疥變水腫宜赤小豆湯入門。水腫泄瀉宜葶藶木香散大橘皮湯丹心

### 補中治溼湯

通治水病補中。行溼人參白朮各一錢。蒼朮陳皮赤茯苓麥門冬木通當歸各七分。黃芩五分。厚朴升麻各三分。分右剉作一貼。水煎服。醫林

### 澤瀉散

治水腫。二便澀。澤瀉赤茯苓枳殼猪苓木通。檳榔黑牽牛頭末各等分。右為末。生薑蔥白湯調下。二錢。入門

### 神助散

治遍身水腫喘急小便澀。黑丑頭末三錢。葶藶子炒二錢。椒目一錢。半猪苓澤瀉木香各一錢。右為末。先以漿水一盞。蔥白三莖煎至半盞。入酒半盞調藥。三錢。絕早。面東服。如人行十里。入以漿水。煮蔥白粥。入酒五合。熱服。當利。小便三四升。隔日再服。須斷鹽味。及房室三年。直指

### 麻黃甘艸湯

治腰上浮腫。麻黃三錢。甘艸二錢。右剉作二貼。水煎服。溫覆令出汗。不汗再服。

### 越脾湯

治腰上浮腫。麻黃三錢。蒼朮二錢。石膏一錢。甘艸各一錢。右剉作二貼。入薑五片。棗二枚。水煎服。

### 防已茯苓湯

治皮水上。體腫。赤茯苓三錢。防已黃芪桂枝各一錢。半甘艸一錢。右剉作二貼。水煎服。

### 實脾散

治陰水發。腫先實脾。土厚朴白朮木瓜州果大腹子附子炮。白茯苓各一錢。木香乾薑炮。甘艸炙各五分。分右剉作一貼。薑一二棗一二水煎服。待效。

### 復元丹

夫心腎真火能生脾肺真土。今真火既虧。不能滋養真土。故土不制水。水液妄行。三焦不瀉。樞機不運。腫脹滿溢。喘息奔急。服冷舌乾。不能正偃。小便不通。澤瀉二兩。半附子炮。二兩。木香。茵

東醫寶鑑新編卷之六

二五

香砂川椒獨活厚朴白朮略炒橘皮吳茱萸桂心  
各一兩肉豆蔻煨檳榔各五錢右為末糊丸梧子  
大紫蘇湯下五十九丸此藥世傳屢驗其間君臣佐  
使與造物同妙當屏去諸藥一日二服且禁慾絕  
鹹半年得效

### 導滯通經湯

赤茯苓澤瀉各一錢陳皮桑白皮白朮  
木香各一錢右剉作二貼水煎服○許  
魯齋因霖雨所傷肢體浮腫大便澀腹脹腸鳴時  
痛飲食減少脉弦細而緩此脾胃虛弱而濕氣盛  
也先服平胃散加白朮赤茯苓艸豆蔻諸  
證皆愈止有四肢浮腫用此藥全愈 寶鑑

### 退腫塌氣散

治積木驚水或飲水過多積於脾故四  
肢腫而身熱赤小豆陳皮蘿蔔子炒各  
二錢甘艸一錢木香五分右剉作  
二貼入薑二三棗二水煎服丹心

### 分氣飲

治腫脹喘急桔梗赤茯苓陳皮桑白皮大腹  
皮枳殼半真麴蘇子炒蘇葉各一錢艸果甘

艸各五分右剉作二貼入  
薑二三棗二水煎服得效

### 葶藶丸

治肺氣喘促面目浮腫葶藶子防已木通杏  
仁貝母各一兩右為末蒸棗取肉和丸梧子  
大桑白皮湯下  
五十九丸 人門

### 加味腎氣丸

治腎虛不能行水以致浮腫附子炮二  
兩白茯苓澤瀉肉桂牛漆車前子炒山  
藥山茱萸牡丹皮各一兩熟地黃二錢右為末蜜  
丸如梧子大空心米飲下七十九丸或百丸 丹心

### 黃米丸

治水蠱乾絲瓜一棒去皮剪碎和巴豆肉十  
四粒同炒以巴豆色黃為度去巴豆入陳倉  
米如絲瓜之多少同炒米黃色去瓜取米為末水  
丸梧子大每湯下百丸數服即愈蓋絲瓜如人脈  
絡引巴豆之氣  
入皮膚也 人門

### 漆雄丸

治水蠱真生漆一兩鍋內熔化麻布絞去滓  
復入鍋內熬乾雄黃一兩為末右兩末醋糊

東醫寶鑑新編

和丸梧子大每四丸  
麥芽煎湯吞下 入門

### 三花神佑丸

治中滿腹脹喘嗽淋閉一切水淫浮腫  
脹滿溼熱沈積變生諸疾 方見溼門

### 煨腎丸

治脾虛邪水流注腰膝浮腫而痛甘遂庄五  
錢木香一兩右為末每錢猪腰子一枚剉  
開去筋膜摻藥在內薄荷葉裹定外用溼紙四五  
重慢火煨熟臨臥細嚼溫酒送下利去黃水為度  
丹心

### 五皮散

因他病變作水腫浮虛大腹皮茯苓皮生薑  
皮桑白皮陳皮各一錢半右剉作二貼水煎  
服丹心

### 赤小豆湯

治年少氣血俱熱生瘡疥變為腫滿赤小  
豆猪苓桑白皮防己連翹澤瀉當歸商陸  
赤芍藥各一錢右剉作二  
貼入薑五水煎服得效

### 葶藶木香散

治水腫腹脹小便赤大便滑泄滑右三  
兩白朮葶藶子猪苓赤茯苓各一兩木  
香澤瀉木通桂皮甘州各五錢  
右為末白湯調下三錢 正傳

### 大橘皮湯

治溼熱內攻心腹脹滿并水腫小便不利  
大便滑泄滑右三錢陳皮一錢半白朮赤  
茯苓猪苓澤瀉各一錢桂皮七分檳榔一分木香  
五分甘州炙四分右剉作一貼入薑五水煎服必  
用

### 十水證

一日青水先從左右脇腫起根在肝用大戟○  
二日赤水先從舌根腫起根在心用葶藶子○  
三日黃水先從腰腹腫起根在脾用甘遂○四日  
白水先從腳腫起根在肺用桑白皮○五日黑水  
先從外腎腫起根在腎用連翹○六日玄水先從  
面腫起根在外腎用芫花○七日風水先從四肢  
腫起根在骨用澤瀉○八日石水先從腎腫起根  
在膀胱用藜蘆○九日高水先從小腹腫起根在  
小腸用巴豆○十日氣水或盛  
或衰根在大腸用赤小豆 本事

十水丸

治十腫水氣。右十證看病根源，除一味倍多。為君，餘九味等分，修製焙為細末，蜜丸。梧子大，以赤茯苓湯吞下，三丸或五丸，日二三服，忌食生冷油膩鹹鹽及猪魚酒麪，一百二十日。神助散亦佳。

結陽證

內經曰：結陽者，腫四肢。註曰：素嘗氣疾，溼熱加之，氣溼熱爭，故為腫也。邪氣漸盛，正氣漸微，陽氣衰少，致邪伐正，氣不宜通，故四維發腫。諸陽受氣於四肢也。今人見手足關節腫痛，全以為風，治者誤矣。犀角湯主之。正傳。

犀角湯

治結陽證，四肢腫閉。犀角玄參各一錢，升麻木通各八分，連翹柴胡各六分，沈香射干各卅各五分，芩蔞麥門冬各四分。分右剉作二貼，水煎服。入門。

氣分證血分證

氣為飲隔，痞滿腹鳴，骨痛冷痢，則曰氣分。亦曰水分。○經脈不行，血化為水，四肢紅腫，則曰血分。皆水氣之所由作也。○

桂朮湯

治氣分。桂皮一錢半，白朮麻黃細辛甘州各一錢，枳殼乾薑各七分半。右剉作二貼，薑五片水煎服。直指。

桂苓湯

治血分。桂皮赤茯苓當歸川芎赤芍藥蓬朮三稜桑白皮檳榔蒼朮大腹皮瞿麥青皮陳皮甘州五分，葶藶大黃煨各二分半。右剉作二貼，入薑五片水煎服。直指。

婦人產前後浮腫

詳見婦人門。

不服藥自去水方

用丹房奇術塗臍膏消河餅。

丹房奇術

治腫脹不服藥自去水。巴豆研去油四錢，水銀粉二錢，硫黃生一錢，右同研成餅。先用新綿一片，臍上，次以餅掩之，外用帛縛如人行，三五里許，自然瀉下惡水，待下三五次，去藥以

東醫圖書集成醫部全錄卷之...

粥補住醫鑿 ○久患者隔日取水一餅可效二三  
十人活人。一方治水蠱商陸根赤者并爛貼臍  
上以帛縛定水  
自小便出丹心

### 塗臍膏

治水腫小便絕少地龍生研猪苓甘遂鐵砂  
各五錢右爲末搗葱涎調成膏敷臍中約一  
寸以絹帛束之以小便  
多爲度日兩易之得效

### 消河餅

治水腫膨脹大田螺四箇大蒜五箇車前子  
末三錢右研成餅貼臍中以怕縛之少時尿  
出如注即  
愈醫鑿

### 浮腫通治藥

宜加減胃苓湯四苓五皮湯集香湯實脾  
飲沈香琥珀丸三仁丸椒鼓丸海金沙散  
諸方

### 加減胃苓湯

治浮腫蒼朮一錢半陳皮澤瀉白朮赤  
茯苓木瓜各一錢厚朴猪苓神麴

各八分山楂肉縮砂各七分香附子薑汁炒木腹  
皮各六分甘州炙三分右剉作一貼入薑三燈心  
一團水煎  
服醫鑿

### 四苓五皮湯

治浮腫桑白皮陳皮地骨皮茯苓皮生  
薑皮大腹皮蒼朮白朮澤瀉猪苓青皮  
車前子炒各一錢右剉  
作一貼水煎服辨疑

### 集香湯

治虛腫先用此以透關絡然後審證療之木  
香藿香川芎赤茯苓檳榔枳殼甘州各三錢  
沈香丁香各二錢乳香一錢半麝香一字右爲麋  
末每三錢入薑二片紫蘇五葉煎服空心直指

### 實脾飲

治水腫膨脹蒼朮白朮厚朴赤茯苓猪苓澤  
瀉縮砂香附子枳殼陳皮太腹皮木香別磨  
米取汁各七分右剉作一貼入燈心  
一塊煎去滓調木香末服之同春

### 沈香琥珀丸

治水腫尿澀葶藶子炒郁李仁沈香各  
一兩半琥珀杏仁蘇子赤茯苓澤瀉各



五錢右為末，蜜丸。梧子，大麝香為衣，每二十丸，至五十丸，以蘿蔔子煎湯下。辨疑。

### 三仁丸

治水腫喘急，大小便不利。郁李仁、杏仁、薏苡仁各一兩，右為末，糊丸。梧子，大米飲下，四五

十九丸得效。

### 椒鼓丸

治浮腫，神方。椒白一錢，鼓二十七粒，巴豆一箇，去皮，心熬，右研細，滴水，和丸。菘豆，大溫水吞下。三丸或五丸，以微注為度，氣盛者，巴豆或二箇或三箇，活人心。

### 海金沙散

治脾溼太過，腫脹喘急，黑丑頭末一兩半，沙三錢，右為末，每二錢煎，倒流水一盞，食前調下。東垣。

### 一方

治外腎腫大，莖物水泡，通明方。木香、流氣飲，方見氣門。加白芷、木通、紫蘇葉煎湯吞下。青木香丸，方見前陰。百粒，效。直指。

### 又方

腫滿，後作瘡，或發水泡，成瘡，是脾土崩壞，真平胃散，方見內傷。細末，清油調付，溼則乾，糝立愈。得效。

### 可治不治證

凡浮腫陰囊軟者可治。入門。患腫入腹，證男從上而腫，下女從下而腫，上所患未久，旋利，腫退喘定，則愈矣。得效。男從腳下腫而上，女從頭上腫而下，皆不治。男從腳下女從頭上腫起，皆為逆陰陽，微妙如此。入門。大凡虛腫先起於腹，而後散於四肢者，可活。先起於四肢而後歸於腹者，不治。至若蠱脹而肚上有青筋，腹滿而大便滑泄，久瘥而轉作虛浮，與夫唇黑傷肝，缺盆平傷心，臍突傷脾，足心平傷腎，背平傷肺，皆為不治之證。或肉硬或手掌平，皆不治。直指。唇腫齒焦者死。卒唇腫而蒼黑者死。掌腫無紋者死。臍腫凸出者死。缺盆平者死。陰囊莖俱腫者死。脈絕口張，足腫者死。足跌腫膝

### 禁忌法

如斗者，疾正傳。○凡水腫大喘，氣麓不食，乃腎水盈溢，上行傍浸於肺，也不治得效。

凡水腫，惟忌鹽，雖毫末許，不得入，已若無以爲味，卽水病去後，宜以醋少許調和飲食，不能忌鹽，勿服藥果，欲去病，切須忌鹽，得效。○尤忌鍼刺，犯之，流水而死。○凡水腫極，忌甘藥助濕，作滿入門。○病嗽及水。

全宜禁鹽，本州。

### 單方

凡二十種有桑白皮，飲二氣散雞醴飲。

### 桑柴灰汁

桑柴灰水淋，取清汁煮赤，小豆作粥常服，大下水脹。本州。

### 桑白皮

治水腫喘急，桑白皮四兩，青梁米四合，同煮爛，取清飲，各桑白皮飲入門。

### 白朮

治四肢腫滿，白朮三兩，剉大棗三枚，右水煎服，日三四。綱目。

### 澤瀉

逐膀胱三焦停水，或剉煎服，或爲末白湯調下，日一二。本州。

### 葶藶子

治頭面手足虛腫，又治水氣喘急，葶藶子紙炒爲末，棗肉和丸，小豆大，麻子煎湯下，十九日。東垣。

○治水腫葶藶子三兩，爲細末，防已末四兩，綠頭鴨切頭瀝血，於日中令血盡，納藥末和鴨頭更搗五千杵丸，如梧子空心白湯下，十九丸。此藥利小便，使如神。本州。

### 商陸

能瀉十種水病，取白色生根細切，雜生鯉魚煮作羹湯服之。本州。

### 牽牛子

治水氣蠱脹，白丑黑丑頭末各取二錢，大麥麩四兩，和作燒餅，臨臥茶清嚼下，降氣爲驗。名曰二氣散。正傳。

水屬腎行腎之水，無如黑牽牛，取細末入於猪腎，慢火煨熟，而溫酒嚼下，則借腎入腎，兩得其便，惡水既泄，不復泛溢矣。直指。

### 葶麻子

治十種水氣五蠱瘴氣，葶麻子去殼用麻布包，壓去油，薄攤在木杓內，仰放在鍋中，水面

上以葶合住，煮二十餘沸，以藥無白色爲度，取出每服六錢，滾水化開，空心溫服，不過一二三劑，以小

便大<sub>利</sub>為效<sub>醫</sub>鑒

### 郁李仁

治<sub>水</sub>腫腹脹喘急大小便秘澀郁李仁一兩研取汁薏苡仁末二合和煮粥食之入門。

又方郁李仁一合為末和麩作燒餅與喫即大便通利氣便差 本州

### 鯉魚

治<sub>水</sub>腫脚滿氣急鯉魚肉十兩蔥白一握麻子一升取汁煮作羹人鹽豉薑椒調和空心食之入門。又方大鯉魚取肉赤小豆二升以水一斗

同煮取汁一升許汁去滓分二服當下利即差 本州

### 蠮螋

治<sub>十</sub>種水病腫滿喘促生土狗一箇手足全者研細入縮砂末等分老酒調下 直指 又方五

月五日取蠮螋不以多少不可見日焙乾每病以七箇為度先用七箇頭治下次用腹治中次用足治下皆為末空心好酒調下 丹心

### 黑豆

治<sub>浮</sub>腫黑豆一升水五升煮取三升汁去滓納酒五升更煮取三升去滓分三服不差不合服

之本州

### 赤小豆

治<sub>水</sub>腫下水氣和桑白皮或通州者服之。又方赤小豆五合胡一頭生薑三錢並碎白

色商陸一條切同水煮豆爛湯成去胡薑商陸只細嚼豆空腹食之旋旋啜汁令盡腫立消便止 本州

### 冬瓜

水病初得危急冬瓜不限多少任喫神效或取汁服久病忘之 綱目

### 苦瓠瓢

治<sub>浮</sub>腫下水取白瓢實捻如大豆粒以綿裹煮一沸空心服七枚水自出不止大瘦乃差 三年內慎口味 本州 苦瓠須擇

用細理潔淨者不爾有毒 綱目

### 雞屎

治<sub>水</sub>腫氣腫溼腫皆效乾雞糞一升炒黃好清酒三椀淬下煮作一椀瀘去滓令飲之少頃腹

中大轉動作鳴從大便利下於膝脚及臍上十先作皺起其腫漸消病未盡再服一劑以田螺二枚

滾酒焯熟食之即止名雞醴飲 醫鑑

東醫寶金錄

青頭鴨

治十種水病垂危青頭鴨一隻治如食法和米并五味煮令極熟作粥空腹食之白鴨亦好本州鴨頭能利水而涼血故也入門

蝦蟆

治水腫鼓脹如神大蝦蟆一箇以糲砂七粒推入其口使吞入腹用罐子盛鹽泥封固炭火煨通紅烟盡取出候冷去泥研為末作一服或酒或陳皮湯送下候散屁多乃效即下也又方治水腫脹滿癩蝦蟆二三枚裝在雄猪肚內酒煮一伏時去蝦蟆將肚與酒食盡大便屁如雷或水下其腫自消醫鑿

猪肝

治浮腫脹滿猪肝一具細切以醋洗蒜齏食之又以熟水煮單喫亦可本州

猪肉

治十種水不差垂然猪肉半斤切粳米三合水下三升入蔥椒薑豉作粥食之又作羹臠食之下水大效本州

鍼灸法

四肢及面皆浮腫灸水分氣海即消。水腫惟得鍼水溝餘穴則鍼之水盡即次庸醫多為人鍼水分殺人多矣惟灸水分最為要穴蓋此穴能分水不使妄行有人患水腫灸水分與氣海翌日面如削矣資生

脹滿

脹滿之源

帝曰脹者焉生何因而有岐伯曰衛氣之在身也常然血脈循分肉行有逆順陰陽相隨乃得天和五藏更始四時有序五穀乃化然後厥氣在下榮衛留止寒氣逆上真邪相攻兩氣相搏乃合為脹也榮氣循脈衛氣逆為脈脹衛氣並脈循分為膚脹靈樞。凡人七情內傷六淫外侵飲食失節房勞致虛脾土之陰受傷轉輸之官失職胃受水穀不能運化故陽自升陰自降而成天地不交之否於是清濁相混隧道壅塞氣化濁血瘀鬱為熱熱留而久氣化成溼溼熱相生遂成脹滿

經曰鼓脹是也以其外雖堅滿中空無物有似乎  
鼓其病膠固難以治療故又名曰蠱若虫侵蝕有  
蠱之義丹心○飲食不節起居不時者陰受之陰  
受之則入五藏入五藏則臍滿閉塞內經○濁氣  
在上則生臍脹註曰濁氣謂寒氣也寒氣在上聚  
而不散則成脹內經○足太陰之脉病腹脹足陽  
明之脉病亦腹脹靈樞○太陰所至為畜滿脾為  
陰中之太陰無陽則不能化五穀乃太寒為脹滿  
故脉經云胃中寒則脹滿此之謂也東垣○凡脹  
初起是氣久則成水治比水腫更難蓋水腫飲食  
如常鼓脹飲食不及常病根深痼必三五十年而後  
成治腫氣補中行溼足矣治脹必補中行溼兼以  
消導更斷鹽醬音樂妄想  
不責速效乃可萬全入門

### 脹滿形證

中滿腹脹者其面目四肢不腫而腹肚脹起  
中空似鼓者是也醫鑿○臍腹四肢悉腫者  
為水但腹脹四肢不甚腫者為蠱蠱即脹也本事  
○腹滿臍脹支膈肚脇下厥上胃過在足太陰陽

明內經○脹有虛實虛脹為邪吐利不食時脹時  
減按之則陷而軟○實脹陽熱為邪身熱咽乾常  
脹內痛按之不陷而硬入門○腹滿按之不痛為  
虛痛者為實可下之○腹脹時減復如故此為寒  
近溫之○腹滿不減減不  
足言須當下之仲景

### 脉法

其脉大堅以瀉者脹也靈樞○脉盛而緊曰脹內  
經○脹滿脉弦脾制於肝洪數熱脹遲弱陰寒浮  
為虛滿緊則中實浮則可治虛則危急脉訣○關  
上脉虛則內脹○遲而滑者脹○虛而緊澁者脹  
○或弦而遲或浮而數皆脹也正傳○  
諸氣脹滿浮大可療虛小難保得效

### 脹病有七

夫脹者皆在于藏府之外排藏府而郭胃脇  
脹皮膚故命名脹靈樞○脹有寒脹熱脹穀  
脹水脹氣脹血脹蠱脹○脹病亦謂鼓脹○其脇  
痛面黑是氣鼓○脇滿小腹脹滿身上有血絲縷  
是血鼓○噎氣作酸飽悶腹脹是食鼓○惡寒手  
足厥冷瀉去清水是水鼓○胃腹脹滿有塊如鼓

者是痞散  
成鼓 同春

### 寒脹

者腹滿濡時減吐利  
厥冷宜溫之 得效

### 熱脹

者以陽并陰則陽實陰虛陽盛生外熱陰虛生內  
熱脉必浮數浮則為虛數則為熱陰虛不能宜導  
飲食如故腹中脹  
滿者為熱脹 得效

### 穀脹

失飢傷飽痞悶停酸朝則陰消陽長穀氣易行故  
能食暮則陰長陽消穀氣難化故不能食是為穀  
脹

### 水脹

脾土受溼水漬於腸胃而溢於皮膚  
漉漉有聲怔忡喘息是為水脹 直指

### 氣脹

七情鬱結氣道壅塞上不得降下不得  
升身體腫大四肢瘦削是為氣脹 直指

### 血脹

煩燥漱水迷忘驚狂痛悶嘔逆小便多  
大便黑婦人多有之是為血脹 直指

### 脹滿治法

通寒涼者脹下其之則脹已 內經 ○ 中滿者濕  
之干內 內經 ○ 諸腹脹大皆屬於熱大驟寒

脹多而熱脹少也 內經 ○ 鼓脹宜補中行溼此  
虛之甚必須遠音樂斷厚味大劑人參白朮佐以  
陳皮茯苓蒼朮之類 丹心 ○ 治法理宜補脾又須  
養肺金以制木使脾無賊邪之慮滋腎水以制火  
使肺得清化之令卻鹽味以防助邪斷妄想以保  
每氣無有不安醫者不察病源急於取效病者苦  
於脹急喜行利藥以求一時之快殊不知寬得  
日半日其脹愈甚病邪甚矣真氣傷矣去火不遠  
此病之起固非一年根深蒂固欲取速效自求禍  
耳知王道者可與語此也 丹心 ○ 凡腹脹須用薑  
製厚朴初得是氣脹宜行氣疎導之劑木香檳榔  
枳殼青皮陳皮之類久則成水脹宜行溼利水之  
劑蒼朮白朮茯苓澤瀉防己之類 正傳 ○ 肥人腹  
脹是溼宜蒼朮茯苓滑石澤瀉 ○ 瘦人腹脹是熱  
宜芩連梔子厚朴 ○ 色白人是氣虛宜人參白朮  
白茯苓陳皮 正傳 ○ 中滿比脹稍輕俗云倒飽是

東醫寶鑑卷之六

### 穀脹

也。詳見內傷。○脹有穀脹、水脹、氣脹、血脹。又有寒脹、熱脹、蠱脹。宜雞矢醴散。

### 雞矢醴散

治穀脹。朝食則不能暮食。又治氣脹、水脹。及蠱脹。雞矢白乾者。大黃、桃仁各等分。右為末。每二錢薑湯調服。宜明。○一方羯雞屎一升炒黃色細末。百沸湯三升。淋汁。每取一大盞調。木香、檳榔末各一錢。空心服。以平為期。名曰雞矢醴飲。正傳。

### 大異香散

治穀脹。亦治氣脹。三稜、蓬朮、青皮、陳皮、藿香、半夏、麴、桔梗、益智、仁香、附子、枳殼各一錢。甘州二分。半右剉作一貼。入薑五棗一二水煎服。入門。

### 水脹

宜防已椒蘆丸。方見浮腫散。椒、豉丸。

### 防已椒蘆丸

治水脹。凡脹病腹滿口舌乾燥。此腸胃間有水氣也。防已、椒目、葶蘆子炒、大黃。

### 木香散

各一兩。右為末。蜜丸。梧子大。白湯吞下。十九丸。日三。仲景。  
治水腫。木香、大戟、白丑頭末各等分。右為細末。取猪腰子一隻。批片。糝藥末一錢。在內煨熟。空心細嚼。溫酒送下。如食右腰子。則搗右臂。食左腰子。則搗左臂。而臥。如未全愈。則於肚上滿塗。甘遂末。卻飲甘州湯。則便去。易老。

### 氣脹

宜三和湯。分心氣飲。方見氣門。氣、鉞丸、金蟾散。

### 三和湯

治氣脹。大小便不利。白朮、陳皮、厚朴各一錢。檳榔、紫蘇、葉各七分。半木通、大腹皮、白茯苓、枳殼、海金沙、甘州各五分。右剉作一貼。薑水煎服。綱目。○一名絮矩三和湯。正傳。

### 氣鉞丸

專治氣膨。薑黃、青皮各一兩。木香、丁香、胡椒、全蝎肉、豆蔻煨各五錢。右為末。蘿蔔子二兩。爛研。和勻。用紅酒生薑汁各少許。煮糊。和丸。梧子大。以紫蘇、葉、陳皮煎湯下。四五十丸。得效。

東醫寶鑑卷之六

### 金蟾散

治氣鼓如神，大蝦蟆一箇以縮砂推入其口，使吞入腹以滿為度，用泥罐封固，火煨通紅，煙盡取出，候冷去泥細研末，為一服，或酒或陳皮湯調下，候散屁多乃見其效。醫鑑

### 血脹

宜人參芎歸湯散  
血消腫湯桃奴丸

### 人參芎歸湯

治血脹，是瘀血凝聚成脹滿也。川芎一錢，當歸半，夏各一錢，半蓬朮，木香，縮砂，烏藥，甘艸各一錢，人參，桂皮，五靈脂各五分，右作一貼入薑五棗二紫蘇葉四片水煎服。直指

### 散血消腫湯

治血脹煩燥，與上入人參芎歸湯同，而無烏藥有芍藥耳。入門

### 桃奴丸

治血脹及婦人月經不通，漸成脹滿，與男子血蟲病同。桃奴，猴鼠糞，玄胡，索肉，桂香，附子，五靈脂，縮砂，桃仁各等分，右為末，每二錢溫酒調下。正傳。或醋糊和丸，梧子大醋湯下。二五十九丸。俗方

### 寒脹

宜中滿分消湯溫胃湯順氣木香散厚朴橘皮煎

### 中滿分消湯

治中滿寒脹，大小便不通，益智仁，半夏，木香，赤茯苓，升麻各七分，半川芎，人參，青皮，當歸，柴胡，生薑，乾薑，華澄茄，黃連，黃芪，吳茱萸，艸，豆蔻，厚朴各五分，右剉作一貼水煎服。丹心

### 溫胃湯

治胃氣虛冷，脹滿食不下，乾薑炮一錢，半附子炮半，夏，魏厚朴，人參，陳皮，甘艸炙，當歸各二錢，二分，半川椒炒一錢，右剉作一貼水煎服。直指

### 順氣木香散

治寒脹，心腹刺痛，面黃氣瘦，或泄瀉，縮砂，丁香，香皮，良薑，乾薑炮，肉桂，陳皮，厚朴，桔梗，茴香炒，蒼朮炒各一錢，甘艸炙五分，右剉作一貼入薑三棗二水煎服。或為末鹽沸湯點服。二錢

得效

### 厚朴橘皮煎

治傷冷腹肚脹，如覆枵，喘息奔急，厚朴三兩，枳殼乾薑良薑各一兩，二錢



東醫圖書集成

青皮陳皮肉桂全蝎各七錢右為末醋糊和  
丸梧子大生薑橘皮湯下三五十九丸得效

### 熱脹

宜七物厚朴湯枳殼  
劉散中滿分消丸

### 七物厚朴湯

治熱脹厚朴三錢枳實一錢半大黃甘  
艸各一錢桂心五分右剉作二貼薑五

棗二煎  
服得效

### 枳殼劉散

治熱脹厚朴枳殼桔梗各二錢大黃蒸甘  
艸炙各一錢右剉作二貼薑五棗二水煎

服直指

### 中滿分消丸

治中滿鼓脹及氣脹水脹然只治熱脹  
不治寒脹厚朴一兩參白朮薑黃

芩黃連枳實半夏各五錢知母四錢澤瀉陳皮各  
三錢白茯苓縮砂乾生薑各二錢猪苓甘草各一

錢右為末水浸蒸餅和丸  
梧子大熱湯下百丸丹心

### 蠱脹

宜消蠱湯消脹飲  
子諸蠱保命丹

### 消蠱湯

治氣作蠱脹但腹脹而四肢頭面不腫半夏  
蘿蔔子炒甘草炙各七分半紫蘇莖葉縮砂

肉豆蔻枳殼青皮陳皮三稜蓬朮檳榔官桂白豆  
蔻萼澄茄木香各五分右剉作二貼薑三棗二煎

服直指

### 消脹飲子

治蠱脹單腹脹猪苓澤瀉人參白朮赤茯苓  
苓半夏陳皮青皮厚朴紫蘇葉香附子縮

砂木香檳榔大腹皮木通蘿蔔子甘草各  
五分右剉作二貼薑五棗二水煎服醫鑿

### 諸蠱保命丹

治蜘蛛蠱脹肉菴蓉三兩青礬紅棗香  
附子各一斤麥芽一斤半並為末先將

菴蓉棗礬入罐內同火煨烟盡和藥末糊丸梧子  
大每二三十丸食後酒下○勞單腹腫大而四肢

極瘦者名曰蜘蛛蠱古方雖有八物湯方見虛勞  
去地黃倍參朮加黃連厚朴及諸蠱保命丹蝦蟇

東醫圖書集成

四十一

煮肚法 見上，浮腫然此皆脾氣  
虛極真藏已傷病也不治 人門

### 脹滿通治藥

宜半夏厚朴湯廣水瀆堅湯濟生紫蘇子  
湯大正氣散四香散撞關飲子沈香飲分

消湯四聖丸木香檳榔丸四炒枳殼丸木香  
分氣丸消脹丸木香消脹丸華澄茄丸 諸方

### 半夏厚朴湯

通治脹滿諸證半夏一錢厚朴八分神  
麴六分蘇木紅花各五分三稜當歸楠

猪苓升麻各四分肉桂蒼朮白茯苓澤瀉柴胡陳  
皮生黃芩艸豆蔻生甘艸各三分木香青皮各二  
分吳茱萸黃連乾生薑各一分桃仁七  
箇昆布少許右剉作二貼水煎服 東垣

### 廣水瀆堅湯

治中滿腹脹內有積聚堅硬如石大小  
便澀滯半夏一錢半黃連厚朴黃芩益

智仁艸豆蔻當歸各七分陳皮青皮神麴澤瀉柴  
胡甘艸各五分蓬朮升麻吳茱萸各三分紅花二  
分右剉作二貼薑三水煎服 服此藥中  
滿減半止有積塊乃服半夏厚朴湯 東垣

### 濟生紫蘇子湯

治憂思傷脾肺心腹膨脹喘促胃滿  
腸鳴大小便不利脈虛緊而澀白朮

二錢蘇子人參各一錢大腹皮艸果半夏厚朴木  
香陳皮枳殼甘艸各五分右剉作二貼入薑三片  
棗二枚水  
煎服 正傳

### 大正氣散

治風寒暑溼所傷成脹滿白朮蒼朮陳皮  
厚朴藿香半夏各一錢枳殼檳榔各七分

桂枝乾薑甘艸各五分右剉作  
二貼入薑五棗三水煎服 得效

### 四香散

治脾氣血氣血壅氣壅水壅石壅腫脹似稍  
箕木香沈香乳香甘艸各二錢半川芎胡椒

陳皮人參白朮各五錢桂心乾薑縮砂茴香各一  
兩大茱焙五兩右為細末每二錢陳米飲調下 入  
治脹滿用此衝開關格使脹自消香附子

### 撞關飲子

二錢烏藥一錢二分厚朴一錢縮砂八分

三稜白豆蔻甘艸各五分丁香沈香各三分右剉  
作一貼入薑三水煎服 又為末紫蘇湯調下 二

錢入門

### 沈香飲

治腹脹氣喘坐臥不得蘿蔔子炒研一錢沈香木香枳殼各一錢右剉作二貼入薑三片

水煎服得效

### 分清湯

治中滿成鼓脹滿悶蒼朮白朮陳皮厚朴枳實赤茯苓各一錢香附子猪苓澤瀉木腹皮

各八分縮砂六分木香三分右剉作一貼入薑二片燈心一團水煎服回春

### 四聖丸

治小兒心腹虛脹全蝎炒一兩胡椒木香青薑橘湯下五七丸。腹脹由脾胃虛氣攻作也肺與脾為子母脾主目胞腫之類脾主四肢子母皆虛則目胞腫四肢黃色用塌氣丸漸消之塌氣丸即四聖丸去木香青皮也 錢乙

### 木香檳榔丸

疎導三焦通利大小便下溼痰凝滯則脹滿自消最為神效半夏麩皂角酥炙

去皮弦子郁李仁各二兩木香檳榔枳殼杏仁炒炒青皮各二兩右為末別以皂角四兩沈漿水揉熬膏去滓入煉蜜少許和丸梧子大薑湯下五七十丸 局方

### 四炒枳殼丸

治氣血凝滯成鼓脹積聚枳殼米泔浸去瓢切片四兩分作四分。一分蒼朮

一兩以水同煮乾炒黃色去蒼朮。一分蘿蔔子一兩以水同煮乾炒黃色去蘿蔔子。一分茴香一兩以水同煮乾炒黃色去茴香。一分乾漆一兩以水同煮乾炒黃色去乾漆。香附子醋浸炒二兩。三稜蓬朮各二兩童便並浸一宿次日用去殼巴豆三十粒同水煮乾炒黃色去巴豆不用。右為末用前同炒蒼朮蘿蔔子茴香乾漆同煮取汁好醋一椀打麪糊和丸梧子六八米飲下七九

回春

### 木香分氣丸

治脾胃不和腹脇膨脹痰嗽喘急飲食不化木香檳榔青皮蓬朮乾生薑常歸

東醫圖書集成卷之...

薑黃玄胡索白朮枳殼三稜赤茯苓陳皮肉豆蔻  
右為末麪糊和丸小豆大薑湯吞下三五十九丸  
快氣寬中除脹消食黑丑頭末蘿蔔子炒木  
消脹丸 香檳榔各等分右為末滴水和丸梧子大薑  
湯下三五十九丸大成  
一名小檳榔丸 得效

木香消脹丸 治脹滿蘿蔔子炒二兩陳皮大腹皮枳  
殼桑白皮蘇子炒香附子各一兩檳榔  
五錢木香二錢半右為末麪糊和丸梧  
子大薑湯或棗湯下五七十九丸類聚

華澄茄丸 治痞滿脹滿穀脹氣脹華澄茄白豆蔻縮  
砂青皮蘿蔔子木香陳皮各七錢半肉豆  
蔻茴香桂皮丁香各三錢七分半右為末麪  
糊和丸梧子大陳皮湯下三五十九丸直指

濁氣在上則生膈脹 內經曰清氣在下則生痰泄濁氣  
寒在上焦則水穀精微之氣不能運化鬱結而為  
脹滿。一人患脹夜分尤甚脈弦而細正是濁氣

在上生膈脹也先灸中脘穴名引胃中生發之氣  
上行陽道後以木香順氣湯服之良愈寶鑑○吳  
茱萸湯沈香交參丸亦治此證丹心

木香順氣湯

厚朴白茯苓澤瀉半夏各一錢蒼朮八  
分青皮陳皮各六分炒豆蔻人參當歸

各五分益智仁吳茱萸各三分木香乾生薑升麻  
柴胡芍藥各四分右剉作一貼入薑水煎服寶  
鑑○經曰留者行之結者散之以柴胡升麻之苦  
平行少陽陽明二經發散清氣運行陽分為君以  
生薑半夏炒豆蔻益智仁之辛甘太熱消散中寒  
為臣以厚朴木香蒼朮青皮之苦辛太溫通順滯  
氣當歸人參陳皮之辛甘溫調理榮衛滋養中氣  
氣之薄者陽中之陰茯苓甘草州澤瀉之氣薄導引  
濁陰之氣自天而下故以為佐濁氣不降以苦泄  
之吳茱萸苦熱泄之者也故以為使氣味相合散  
之氣各安其位也寶鑑

吳茱萸湯

治濁氣在上生膈脹又陰盛生寒腹滿膈脹常如飽不欲飲食吳茱萸厚朴官桂乾薑各一錢白朮陳皮川椒炒各五分右剉作一貼水煎服或為末每二錢薑湯點服類聚

沈香交參丸

治濁氣在上生膈脹吳茱萸大黃酒浸錢白茯苓澤瀉當歸木香青皮各二錢右為末湯浸蒸餅和丸梧子大溫水下七八十丸丹心

傷寒熱病腹脹滿

詳見寒門

脹滿乃真臟病也

脹滿由脾虛之極乃真臟病也如反胃勞瘵亦然皆真藏病也凡人之病真藏不病則五行相生相制以適於平雖不服藥而自愈如火極傷金則有水以制之有土以生之如水極克土則有金以制之有火以生之所謂亢則害承迥制也雖然亦有惡藥忘醫而誤之者蓋正氣與病邪不相兩立一勝則一負久則病劇正脫而不免於灰然則有病不服藥可乎不用醫可

丹心

脹滿泄瀉

腹脹經久忽瀉數升晝夜不止服藥不驗乃為氣脫最難救取益智仁濃煎湯服之愈

八門

外敷法

治積聚脹滿血蠱等病宜外敷神膏及外敷藥

外敷神膏

大黃朴硝各四兩麝香一錢為末每二兩和入蒜搗成膏敷患處八門

外敷藥

治腹脹硬如石先用熱水燻甘州燕下大用大戟芫花甘遂海藻等分為末醋調遍塗腹

上神效得效

可治不可治證

脹滿得之未久或脹或消腹皮稍軟不可治久病羸乏喘息不得安各曰脾腎俱敗不治得效○腹脹身熱脈大是一逆也○腹鳴而滿四

肢清泄其脉大是二逆也。腹大脹四未清脫形泄甚是三逆也。腹脹便血其脉大時絕是四逆也。並不治。靈樞。腹滿咳逆不得小便不治。腹大滿而下泄不治。得效。久病羸乏卒然脹滿喘息不寤皆不可治。綱目。得與夫臍心突起或下利頻頻未見一愈者耳。指

單方 凡十

厚朴

治腹脹乃結者散之。神藥也。湯液。有入心腹脹滿只以厚朴細剉薑製每取五錢或七錢薑七片同煎服。滓又煎服五六次即愈。資生。腹脹必少佐以厚朴者蓋其味辛能散以氣聚上焦故也。丹心。

大戟

治腹脹取大棗一毛置鍋內與大戟同水煮熟去大戟不用旋旋吃棗無時棗盡即效。易老。治腹脹取尿屎炒黃色作末每一錢溫水調下即效。雷公云體寒腹大全賴鷓鴣屎是也。本

蝦蟆

治蠱脹取一箇去內腸入蠟七枚新瓦上焙焦乾為末糊丸酒服。綱目。治穀脹及諸脹取尿白炒黃湯漬之取清汁服之。本

黑豆

和桑柴灰汁煮服下。水鼓腹脹效。本。下脹滿以桑柴灰水煮作粥常服。本。

紫蘇莖葉

治心腹脹滿煮作飲如茶常服。本。治心腹脹取一合搗爛水一斗和。應取汁一盞頓服或自吐或利或汗腹中自寬。本。

蘿蔔子

治腹脹常食最佳。本。治腹脹常食最佳。本。麥飯亦好。俗方。

桑枝茶

下氣消脹常服最佳。或和赤豆作粥亦良。本。

烏牛尿

治久患氣脹取熱尿空心服  
一升日一服氣散即止本州

椒目

治水蠱能行水作未溫  
水調一錢服之本州

鍼灸法

腹中膨脹取內庭。水蠱取偏歷。鼓脹取臍  
上下左右各刺二寸二分。單蠱脹取水分鍼  
入二寸半或灸五十壯。脹滿取足三里瀉之。  
凡脹皆取三里是脹之要穴也。又取中腕氣海  
或鍼或灸綱目

消渴

消渴之源

內經曰二陽結謂之消註曰二陽結謂胃及  
大腸俱熱結也腸胃藏熱則喜消水穀也。  
手陽明大腸主津液所生病熱則目黃口乾是津  
液不足也足陽明胃主血所生病熱則消穀善飢  
血中伏火是血不足也結者津液不足結而不潤  
皆燥熱為病也東垣。消者燒也如火烹燒物理

消渴形證

渴病有三曰消渴曰消中曰消腎。熱氣上  
騰心虛受之心火散漫不能收斂胃中煩燥

者也。人門。心移寒於肺為肺消肺消者飲一而溲  
二然不治註曰金受火邪肺藏消燥氣無所持故  
飲一而溲二也內經。心移熱於肺傳為膈消註  
曰心肺兩間中有斜膈膜膈膜下際內連於橫膈  
膜故心熱入肺久久傳化內為膈熱消渴而多飲  
也內經。痺成爲消中註曰痺謂消熱病也多飲  
數溲謂之熱中多食數溲謂之消中內經。凡消  
痺肥貴人則膏粱之疾也此人因數食甘美而多  
肥故其氣上溢轉爲消渴註曰食肥則腠理密而  
陽氣不得外泄故肥人內熱甘者性氣和緩而  
發散逆故甘令人中滿然內熱則陽氣炎上炎上  
則欲飲而隘乾中滿則陽氣有餘有餘則脾氣上  
溢故轉爲消渴內經。喜渴者由心熱也心主便  
汗便汗出多則腎中虛燥故令渴凡夏月渴而汗  
出多則小便少冬月不汗故  
小便多皆平人之常也聖惠

東醫圖書集成醫部全錄卷六

四十六

舌赤唇紅此渴引飲常多小便數而少病屬上焦謂之消渴。○熱蓄於中脾虛受之伏陽蒸胃消穀善飢飲食倍常不生肌肉此渴亦不甚煩小便數而甜病屬中焦謂之消中。○熱伏於下腎虛受之腿膝枯細骨節痠疼精走髓虛引水自救飲水不多隨卽尿下小便多而濁病屬下焦謂之消腎。○自消腎而折之又有五右過度之人真氣既盡石勢獨留陽道與強不交精泄謂之強中消渴輕也消中甚焉消腎又甚焉若強中則其燬可立待也直指。○上消者肺也又謂之膈消多飲水而少食大便如常小便清利。○中消者胃也渴而飲食多小便赤黃。○下消者腎也小便濁淋如膏油之狀面黑耳焦而形瘦易老。○渴而多飲爲上消消穀善飢爲中消渴而尿數有膏油爲下消綱目。○五藏六府皆有津液熱氣在內則津液竭少故爲渴夫渴者數飲水其人心頭目眩背寒而嘔皆因裏虛故也類聚。○飲水而安睡者實熱也飲水少傾卽吐者火邪假渴耳入門

### 脉法

消渴脉實大病久可治脉懸小堅病久不可治難經。○消渴脉當得緊實而數反得沈澹而微者死。○消渴脉數大者活細小浮短者死脉訣。○心脉滑爲渴滑者陽氣勝也。○心脉微小爲消瘵。○脉數大者生沈小者死脉經。○心脉滑甚爲喜渴聖惠。○跌陽脉數胃中有熱卽消穀引飲大便必堅小便卽數仲景。○消渴脉虛數大忌虛小醫鑑

### 消渴有三

上消者舌上赤裂太渴引飲隔消是也白虎加入參湯主之。○中消者善食而瘦自汗大便硬小便數所謂瘵成爲消中者是也調胃承氣湯方見寒門加減三黃丸方見火門主之。○下消者煩燥引飲耳輪焦乾小便如膏腿膝枯細所謂焦煩水易虧者是也

消渴病論



也六味地黃丸主之方見虛勞又宜人參茯苓散  
加減八味丸方見五藏加減腎氣丸補腎地黃丸  
鹿茸丸諸方○養肺降火生血為主分行上中下治  
之丹心○三消多屬血虛不生津液以四物湯  
方見血門為主治上消加入人參五味子麥門冬天  
花粉煎入牛乳汁生地黃汁生藕汁酒客生葛根  
汁調服○中消加知母石膏寒水石滑石○下消  
加黃柏知母熟地黃五味子丹心○消渴病小便  
反多如飲水一斗小便亦一斗  
腎氣丸方見虛勞主之仲景

### 加味錢氏白朮散

治消渴不能食又治消中善飢乾  
葛二錢人參白朮白茯苓藿香甘  
洲各一錢木香柴胡枳殼五味子  
各五分右剉作二貼水煎服得效

### 麥門冬飲子

治膈消麥門冬二錢知母天花粉人參  
五味子葛根茯苓神生地黃甘州各一錢  
右剉作二貼入竹葉  
十片水煎服丹心

### 降心湯

治心火上炎腎水不濟煩渴引飲氣血日消  
天花粉二錢人參遠志當歸熟地黃白茯苓  
黃芪蜜炒五味子甘州各一錢右  
剉作二貼入棗二水煎服得效

### 人參石膏湯

治膈消石膏四錢知母二錢三分人參  
一錢七分甘州一錢三分右剉作二貼  
水煎服  
保命

### 清心蓮子飲

治心火上炎口乾煩渴小便赤澀蓮子  
二錢赤茯苓人參黃芪各一錢黃芩車  
前子炒麥門冬地骨皮甘州各  
七分右剉作二貼水煎服苟方

### 和血益氣湯

治消渴小便數舌上赤脈肌體枯瘦黃  
酒洗各八分石膏杏仁桃仁各六分知母防已羌  
活各五分當歸枳四分柴胡麻黃根生甘州炙甘  
州各三分紅花少許右  
剉作二貼水煎服東垣

### 生津養血湯

治上消當歸白芍藥生地黃麥門冬各一錢川芎黃連各八分天花粉七分知母黃柏並蜜炒蓮肉烏梅薄荷甘草各五分右剉作二貼水煎服

### 黃芩湯

治上消片苓梔子桔梗麥門冬當歸生地黃天花粉乾葛人參白芍藥各一錢右剉作二貼入烏梅一箇水煎服

### 蘭香飲子

治消渴善食而瘦二便結數石膏三錢知母一錢半生甘草防風各一錢炙甘草人參蘭香葉連翹白豆蔻桔梗升麻各五分半夏二分右為末蒸餅糊調成餅晒乾為末每二錢淡薑湯調下

### 生津甘露湯

治消中能食而瘦大便燥小便數石膏川龍膽黃柏各一錢柴胡羌活黃芪酒知母酒黃芩炙甘草各八分當歸身六分升麻四分防風防已生地黃生甘草各三分杏仁十箇桃

### 順氣散

治消中能飲食小便黃赤以此微利至不飲食而愈厚朴一錢半大黃二錢枳實一錢右剉作二貼水煎服不拘時

### 人參散

治消中滑右二兩寒水右甘草各一兩石膏五錢人參二錢半右為末每取二錢溫水調下

### 黃連猪肚丸

治消渴消中亦治強中證雄猪肚一箇黃連五兩麥門冬知母瓜蒌根各四兩右四味為末入猪肚內以線封口置甑中蒸爛於石臼中合搗爛入蜜少許作丸梧子大米飲下百丸正傳

### 藕汁膏

治胃熱消中藕汁白藕生地黃汁牛乳汁和黃連天花粉末佐以薑汁白蜜為膏以匙抄

取徐徐留舌上以白湯送下日三四次丹心

### 人參茯苓散

治腎消尿濁如膏滑石寒水石各一錢半甘州七分赤茯苓乾葛黃芩薄荷木

黃各五分連翹三分人參白朮澤瀉桔梗梔子天花粉縮砂各二分右剉作一貼水煎服醫鑑○

各人參散東垣

### 加減腎氣丸

治腎消口燥煩渴兩腳枯瘦熟地黃二兩牡丹皮白茯苓山茱萸五味子澤瀉

鹿茸山藥各一兩肉桂沈香各五錢右為末蜜丸梧子大空心鹽湯下七八十丸丹心

### 補腎地黃丸

治腎消能降心火益腎水止消渴明耳目黃柏一斤剉同地黃晒乾庄地黃半

斤酒浸二日蒸爛研膏與黃柏拌晒乾白茯苓四兩熟地黃天門冬人參甘菊各二兩條芩酒炒當歸枳殼麥門冬片芩生各一兩右為末水

丸梧子大空心鹽湯下七八十丸丹心

### 鹿茸丸

治腎虛消渴小便無度麥門冬二兩鹿茸熟地黃黃芪五味子雞肚陸龜燒肉菘蓉酒浸

山茱萸破故紙炒牛膝酒浸人參各七錢半白茯苓地骨皮玄參各五錢右為末蜜丸梧子大空心米飲下五七

### 食飭證

內經曰大腸移熱於胃善食而瘦又謂之食飭胃移熱於膽亦曰食飭註曰飭易也飲食移

易而過不生肌膚也治法與消中同綱目

### 消渴小使甜

消渴者腎虛所致每發則小便必甜以物理推之淋錫醋酒作脯法須臾即甜足明

人之食後滋味皆甜流在膀胱若腰腎氣盛則上蒸炎氣化或精氣下入骨髓其次為脂膏又其次為血肉其餘則為小便故小便色黃血之餘也五藏之氣鹹潤者則下味也若腰腎既虛冷則不能蒸化穀氣盡下為小便故味甘不變其色清冷則肌膚枯槁也本事

消渴由坎火衰少

肺為五藏華蓋若下有煖氣蒸則肺潤若下令極則陽不能升故肺乾而渴易乾上坤下其卦為否陽無陰不降陰無陽不升故成否也譬如釜中有水以火煖之又以板覆則煖氣上騰故板能潤若無火力則水氣不能上升此板終不得潤火力者腰腎強盛常須煖補腎氣飲食得火力則潤上而易消亦免乾渴之患也服八味腎氣丸即八味丸加二五

消渴與腳氣相反

消渴與腳氣雖皆為腎虛所致其為病則相反脚氣始發於二三月盛於五六月衰於七八月消渴始發於七八月盛於十一二月衰於二三月其故何也蓋脚氣壅疾也消渴宜疾也春夏陽氣上故壅疾發則宜疾愈秋冬陽氣下故宜疾發則壅疾愈審此二者疾可理也本事

消渴通治藥

滋陰養榮湯活血潤燥生津飲桑白皮湯梅花湯空滋陰養榮湯活血潤燥生津飲桑白皮湯梅花湯大黃甘艸飲子清神補氣湯黃

芪湯天花散黃連地黃湯生地黃飲子門冬飲子玉泉散玄菟丹三消丸玉泉丸五汁玉泉丸生地黃膏荔枝膏衛生天散諸方

滋陰養榮湯

治消渴吐津液口燥咽乾當歸二錢人參生地黃各一錢半麥門冬白芍藥知母黃柏並蜜水炒各一錢甘艸五分五味子十五粒右剉作一貼水煎服入門

活血潤燥生津飲

通治消渴天門冬麥門冬五味子瓜蒌仁麻子仁當歸熟地黃生地黃天花粉甘艸各一錢右剉作一貼水煎服入門

桑白皮湯

治三消渴疾童根桑白皮即未老者二錢白茯苓人參麥門冬乾葛山藥桂皮各一錢甘艸五分右剉作一貼水煎服得效

梅花湯

治三消渴利神效糯穀旋炒作曝桑根白皮厚者細切各五錢右作二貼水煎渴則飲之

東醫圖書集成

不拘時  
得效

### 大黃甘艸飲子

治一切消渴。大黃一兩半，甘艸大者四兩，判黑豆五升，別煮，二沸去苦水。

右用井水一桶，同煮爛，令病人食。豆飲汁，無時不飲，病去宜。

### 清神補氣湯

消渴證，纔愈，止有口乾，此藥主之。升麻一錢半，柴胡當歸身，荆芥穗，防己，桃仁。

泥各一錢，黃柏酒洗，黃連酒洗，知母生，甘艸各五分，石膏熟地黃各四分，生地黃細辛各二分，杏仁六箇，川椒二粒，紅花少許，右剉作一。

貼水煎服。一名辛潤緩肌湯。東垣。

### 黃芪湯

治諸渴。生乾地黃二錢，黃芪茯苓神天花粉麥門冬各一錢，五味子甘艸各五分，右剉作一。

貼水煎服。直指。

### 天花散

治消渴。天花粉生乾地黃各二錢，乾葛麥門冬五味子各一錢，甘艸五分，右剉作一，貼。

米百粒煎服。直指。

### 黃連地黃湯

治三消。黃連生地黃天花粉五味子常歸人參乾葛白茯苓麥門冬甘艸各一錢，右剉作一，貼。薑上一棗一。

竹葉十片同煎服。回春。

### 生地黃飲子

治消渴。人參生乾地黃熟地黃黃芪天門冬麥門冬枳殼石斛枇杷葉無則桑白皮代。

澤瀉各一錢，甘艸五分，右剉作一，貼水煎服。此方乃二黃丸合甘露飲材也。生精補血潤燥止渴。佐以澤瀉枳殼陳導二府使心火下行，則小便清利，肺經潤澤，則大府流暢，宿熱既消，其渴自止。造化精深妙無踰此得效。

### 門冬飲子

治老虛人消渴。麥門冬二錢，五味子人參地骨皮白茯苓甘艸各一錢，右剉作一，貼。

薑上一二煎服。元戎。

東醫圖書集成醫部全錄

### 玉泉散

治消渴之聖藥 天花粉二錢 粉葛 麥門冬 生地黃 五味子 甘州各一錢 右剉作二貼 糯米

一合煎服 醫鑿

### 玄菟丹

治三消渴利 神效 赤遺精 止白濁 延年 兔絲子十兩 酒浸製 七兩 白茯苓 蓮子肉 山藥各三兩 右為末 別研山藥 三兩 將菟絲子所浸酒煮糊和丸 梧子大 空心米飲下 五七十九丸

煉蜜和丸 亦佳 得效

### 三消丸

通治消渴 黃連 蘼為細末 以多少 冬瓜 取自然汁和作餅 陰乾再為末 再浸再乾 至七次 即用冬瓜汁和丸 梧子大 煎大麥仁湯送下 五七十九丸 本事 一名瓜連丸 直指

### 玉泉丸

治消渴 口乾 天花粉 乾葛 各一兩 半 麥門冬 人參 白茯苓 黃芪 半 生半 蜜炒 烏梅 甘州各一兩 右為末 蜜丸 彈子大 每二丸 溫水嚼下 丹心

### 五汁玉泉丸

治消渴 黃連 乾葛 天花粉 知母 麥門冬 甘州各一兩 右為末 別取人乳汁 牛乳汁 甘蔗汁 無則用砂糖 梨汁 藕汁 先將各汁入蜜 一斤 半 煎成稀膏 後將各藥末和前一膏 熬五七沸 每取五茶匙 米飲調下 日二三忌辛熱之物 同春

### 生地黃膏

治渴 通用 生地黃二斤 蜜一兩 白茯苓一兩 半 次入人參 苓末 梓和磁器盛 以匙挑服 溫水送下 得效

### 荔枝膏

止消渴 生津液 乳糖 二十六兩 清蜜 十四兩 烏梅肉 八兩 生薑 五兩 取汁 麝香 五分 右先取清蜜 烏梅肉 以水一斗 五升 熬至半 濾去滓 下乳糖 熬候糖溶化 入薑汁 再熬 乃入麝香 和勻 每取一大匙 新水調 下 日二三類聚

### 衛生天花丸

歌曰 消渴消中消 腎病三焦五藏生 虛熱惟有膀胱冷 似水意中飲水無休歇

酒渴

小便晝夜不流通骨冷皮焦心肺裂本因飲酒炙  
燂多酒餘色慾勞無節飲水喫食日加增肌肉精  
髓轉枯渴遊甜如蜜滑如油口苦咽乾舌如血三  
消病狀最為危有此仙方真妙訣。黃連童便浸  
三日三兩白扁豆炒二兩蘆薈七錢半辰砂白茯  
苓牡蠣粉知母苦參鐵粉天花粉各五錢金銀箔  
各二十片右為末生瓜萸根汁和生蜜為  
丸梧子大麥門冬湯下三五十丸 類聚  
治嗜酒積熱津液枯燥煩渴引飲專嗜冷物宜龍  
鳳丸烏梅木瓜湯五豆湯酒蒸黃連丸 方見暑門  
朱砂黃連丸得效

龍鳳丸

治酒渴山藥兔絲子各二兩鹿茸火煉酒浸  
炙一兩右為末蜜丸梧子大米飲下三五十  
丸得效

烏梅木瓜湯

治酒熱消渴烏梅打碎不去仁木瓜各  
二錢麥芽炒枳果甘艸各一錢右剉作

一貼入薑五片  
水煎服得效

五豆湯

解酒毒止消渴乾葛甘艸並剉各一斤貫衆  
八兩黑豆黃豆菉豆青豆赤小豆各一兩右  
以水五斗五升臘八日初八日大鍋熬至熟濾去  
滓盛磁器封口春夏月開用隨意飲之大人渴後  
庄瘡小兒豆瘡不出皆可  
飲最妙酒後渴尤好丹心

朱砂黃連丸

治酣飲成消渴黃連三兩生乾地黃二  
兩朱砂一兩右為末蜜丸梧子大燈心

棗湯吞下三  
五十丸得效

蟲渴

虫在藏府耗其津液而  
成消渴宜苦練湯得效

苦練湯

治虫渴苦練根皮一握切焙入麝香少許水  
二盞煎至一盞空心飲之雖困頓不妨自後  
下虫三四條其渴頓止乃知消  
渴一證有虫耗其津液也 得效

### 強中證

多因耽嗜色慾或服丹石真氣既脫熱邪獨盛飲食如湯消雪肌膚日削小便如膏油陽強與盛不交精泄三消之中最為難治姑錄一二方聊為備用宜石子薺芫湯黃連豬肚丸得效

### 石子薺芫湯

治強中證薺芫石膏各一錢半人參茯苓神瓜萋根磁石知母乾葛黃芩甘草各一錢右剉作一貼先以水三盞豬腰子一箇黑豆一合煮至一盞半去滓入藥煎至七分去滓食後服次投下

藥得效

### 黃連豬肚丸

治同上服上山藥後便服此雄豬肚一箇黃連小麥炒各五兩天花粉茯苓神各四兩麥門冬二兩右為末入豬肚中封口安甌中蒸爛搗爛作丸猪子大米飲下七九十九丸入煉蜜少許亦可得效

### 消渴傳變證

消渴之疾未傳能食者必發腦疽背瘡不能食者必傳中滿鼓脹皆為不治之證張

黎古老人分而治之能食而渴者白虎加人參湯乃見寒門主之或加減白虎湯不飲食而渴者錢氏白朮散方見小兒倍加葛根與之或加減白朮散上中既平不復傳下消矣東垣○或曰未傳癰疽者何也此火邪勝也其瘡痛甚而不潰或赤水者是也未傳中滿者何也如上消中消制之太急寒藥傷胃久而成中滿之疾所謂上熱未除中寒復生也東垣○消渴久病變成癰疽或成水病或雙目失明類聚○甚而水氣浸漬溢於肌膚則脹為腫滿猛火自炎留於分肉則發為癰疽此又病之深而證之變者也直指○渴利者謂隨飲即小便也由腎氣虛不能制水液故隨飲即小便也以其內熱故小便利小便利則津液竭津液竭則經絡澁經絡澁則榮衛不行榮衛不行則熱氣留滯故成癰疽也聖惠

### 加減白虎湯

石膏二錢半知母一錢人參黃栢各七分玄參甘草各五分五味子十粒右剉



作一貼入粳米百粒水煎服醫監

### 加減白朮散

乾葛二錢人參白朮白茯苓各一錢木香知母黃柏甘艸各五分五味子九粒

右剉作一貼水煎服醫監

### 消渴須預防癰疽

消渴之人常須慮患大癰必於骨節間忽發癰疽而卒須預防之宜加減

八味丸黃芪六一湯方見癰疽忍冬丸長服為效又益元散方見暑門井水調服入門

### 加減八味丸

惟止渴亦免生癰疽久服永除渴疾氣血加壯

得效

### 忍冬丸

渴疾須預防發癰疽忍冬艸不以多少根莖花葉皆可用右剉酒浸糠火煨一宿取出晒

乾入甘艸少許搗為末以所浸酒為糊和丸梧子大酒飲任下百丸此不特治癰疽亦能止渴得效

### 不治證

內經曰肺消者飲一溲二成不治蓋肺藏氣肺無病則氣能管攝津液而津液之精微者收養

筋骨血脉餘者為溲肺病則津液無氣管攝而精微者亦隨溲下故飲一溲一而如膏油也津液下脫未能榮養故漸形瘦焦乾也或問經云飲一溲二成不治仲景復用八味丸治之何也曰飲一溲至溲二者病尚淺猶可治故仲景腎氣丸治飲水一斗小便亦一斗之證若小便過於所飲則無及矣綱目○消渴之餘傳為脹滿發為癰疽及強中證皆不治綱目

### 禁忌法

內經曰熱中消中不可服膏粱芳艸石藥○消渴病宜慎者有三一飲酒二房勞三鹹食及麪能慎此三者雖不服藥亦可自愈千金○凡消渴大忌飲酒房事及食炙博辛熱鹹藏之物○百日以上不可鍼灸鍼灸則瘡中出膿水不止而疾得效○渴疾大忌半夏南星燥劑東垣

### 單方

凡四十種

石膏

主消渴，搗末，取五錢，和粳米煮取汁飲之。本州。

竹葉

止消渴，取青葉，煮汁飲之。本州。

滑石

治消渴，為末，取三錢，井水或蜜水調下，即益元散也。一名神白散。醫卷。

地漿

治熱渴，心悶，取一盞飲之。效。本州。

竹瀝

治消渴，不拘時，恣飲之。效。雷公云久渴，心煩，宜投竹瀝。本州。

麥門冬

治消渴，及口乾燥渴，去心，煮湯飲之。本州。

黃栢

主消渴，水煎服之。又作禾水丸服之。本州。

黃連

治消渴，要藥，酒浸，蒸晒，乾為末，蜜丸，白湯下。五七十丸。綱目。

黃芪

治消渴，凡消渴而欲發瘡，或病癰疽而後渴者，多取黃芪煮湯服之。效。綱目。

葛根

主消渴，取五錢，水煎飲之。又取生者搗汁飲之，亦好。本州。

瓜蒌根

即天花粉也。治消渴之聖藥也。水煮取汁，隨意飲之。甚佳。本州。

漬苧汁

主消渴，取生苧草，水漬取汁飲之。本州。

地骨皮

治消渴，水煎服之。又取葉作飲，啜之。本州。

蚊蛤

即五倍子也。最能回津，止渴為最。沸湯調下。二錢。最妙。入門。

忍冬艸

治消渴，水煮取汁，四時長服。丹心。

桑枝茶

療口乾，如茶常服。為佳。本州。

桑根白皮

主熱渴，水煎飲之。○黑椹搗濾，去滓入石罈中，入蜜熬膏，每取一二匙，沸湯點服。止渴。生精。神。本州。

渴生精  
神本州

牡蠣肉

治酒渴和薑醋生食之俗名石花本州

蚌蛤

止消渴煮食或和薑醋生食立佳本州

鮎魚涎

主消渴取涎搜黃連末作丸烏梅湯下五十丸渴頓減本州

田螺

治消渴小便數取螺五升水一斗浸經宿取水飲之每日易水又取螺煮汁飲食肉良本州

生藕

取汁一盞入蜜一分服之止渴最好細目

红柿

止渴取啖之本州

烏梅

療口乾止消渴作湯和少蜜常服本州

梨

止消渴取消梨常啖之最治心熱渴本州

獼猴桃

止消渴取霜後熟者常啖之又和蜜作正果尤佳俗方

五味子

止消渴最良作飲常服之又作丸久服生津止渴本州

麻仁

止消渴麻仁一升搗碎之加水三升煮取汁溫涼任服本州

粟米泔

酸者止消渴甚良常取飲之泔久留則酸本州

菜豆

治消渴煮汁飲之或研取汁服立佳本州

青梁米

主熱中消渴煮取汁飲之或煮粥或作飯常食佳本州

糯米

主消渴淘取消飲之又水研取白汁恣飲之以差為度糯米稻稈灰淋汁飲之甚妙一人病渴

強死有人教以糯米稈斬去穗及根取中淨器中燒作灰每取一合湯水一碗沃浸良久澄去滓

取清頓飲之即取效如神澹寮

冬瓜

主消渴搗紙取汁飲之又作羹作葢常食佳本州

蕁 主消渴作羹作  
糞常食佳 本州

菘菜 治消渴常食最佳或  
取汁飲亦可 本州

雄雞湯 治三消渴疾退雄雞湯澄清飲之  
神效 醫鑑 ○ 白雄雞尤佳 本州

白鵝 主消渴煮取  
汁飲之 本州

黃雌雞 主消渴煮熟取汁飲  
之肉亦可食 本州

牛乳 主消渴取生乳渴則飲之  
又作酪粥常食亦佳 本州

猪肚 止渴利爛蒸和  
薑醋食之 本州

### 黃疸

黃疸之因 經曰溼熱相交民病癰痺即黃單陽而無陰  
也 入門 ○ 諸發黃皆小便不利惟瘀血發黃

小便自利蓋熱結下焦則熱耗津液而小便不利  
血結下焦則熱但耗血而不耗津液故小便自利  
入門 ○ 發黃譬如倉麴五疸同歸溼熱蓋溼熱熏  
蒸血熱土色上行面目延及爪甲身體俱黃黃即  
疸也 入門 ○ 蓋黃疸者溼熱與宿穀故也俗謂之  
食勞黃 和 ○ 食勞疳黃一名黃胖夫黃疸者暴  
病也故仲景以十八日為期食勞黃者宿病也至  
有久不愈者 綱目 ○ 凡病瀉汗而不汗則生黃  
利小便而不利亦生黃蓋脾主肌肉四肢寒溼與  
內熱相合故也 海藏 ○ 五疸同是溼熱終無寒熱  
之異 正傳 ○ 脈沈渴欲飲水小便不利者必發黃  
仲景 ○ 腹脹滿面萎黃躁不得睡屬黃家 仲景 ○  
凡時行感冒及伏暑未解宿食未消皆能發黃入  
門 ○ 時行疫癘亦能發黃殺人最急 入門 ○ 傷寒  
病遇大陽太陰司夫若下之太過往往變成  
陰黃寒水太過土氣不及故多變此疾 海藏  
黃疸有五 靈樞 ○ 尿黃赤安臥者曰黃疸註曰安臥而

尿黃赤也 內經 ○日黃者日黃疸 內經 ○已食如飢者胃疸 內經 ○疸病有五一曰黃疸二曰酒疸

三日穀疸四曰女勞疸五日黃汗

### 黃疸

者小便而面目牙齒肢體如金因暴熱用冷水洗浴熱留胃中故食已善飢安臥懶動入門 ○已食如飢但欲安臥小便如黃

### 酒疸

病酒發疸必小便不利其候心中熱足下熱是其證也 仲景 ○心中懊懣而熱不能食時欲吐名曰酒疸 仲景 ○酒疸黃色心中結熱而煩脈經 ○飲酒常多進食常少心中懊懣鼻燥足熱是謂酒疸 直指

### 穀疸

穀疸之為病寒熱不食食則頭眩心中不安久發黃 仲景 ○穀疸者食已頭眩腹脹因胃熱大飢過食停滯所致入門 ○食則腹滿怫鬱眩暈心忪是謂穀疸 直指

### 女勞疸

額上黑微汗出手足心熱薄暮則發膀胱急小便自利名曰女勞疸 仲景 ○大勞當慾大熱交

### 黃汗

黃汗之病身腫發熱汗出而汗汗出沾衣色正黃如黃柏汁以汗出時入水浴得之 仲景 ○發熱不渴身腫而汗汗如黃

### 脈法

五疸實熱脈必洪數其或微澁證屬虛弱 脈訣 ○疸脈緩大者順弦急而堅者逆 直指

### 黃疸治法

諸疸小便色白不可除熱者無熱也若有虛寒證當作虛勞治之 仲景 ○諸疸小便不利為裏實宜利小便或下之利小便宜茵陳五苓散下之宜黃連散 ○無汗為表實宜發汗或吐之發汗宜麻黃醇酒湯吐之宜瓜蒂散 綱目 ○色如烟熏黃乃溼病也一身盡痛色如橘子黃乃黃病也一身不痛溼家之黃色暗不明熱家之黃如橘子

色甚者，勃勃出，流著衣，如黃柏汁。綱目：○治黃疸，與溼病相似，輕則滲利，重則大下，黃自退矣。入門。○黃疸因食積者，下其食積，其餘但利小便，為先。小便利，白其黃自退。丹心。

### 黃連散

治黃疸，疰壅熱，一便秘澀，大黃醋炒，一兩，黃芩黃連，各一兩，右為細末，溫水調下，一錢。日二服，先用瓜蒂散，搐鼻，取下黃水，卻服此。藥外，以生薑茵陳同搗爛，遍身搽之。丹心。

### 麻黃醇酒湯

治黃疸，麻黃一兩，好酒一升，半煮至半，去滓，頓服之。冬用酒，春夏用水。仲景。

### 茵陳五苓散

治溼熱黃疸，茵陳一兩，五苓散五錢，右為末，每二錢，米飲調下。或剉一兩水煎服，亦可。入門。

### 茵陳三物湯

治黃疸，小便不利，茵陳三錢，梔子黃連各二錢，右剉作一貼，水煎服之。入門。

### 陶氏茵陳湯

治黃疸，熱盛，大便不利，茵陳二錢，大黃梔子仁厚朴枳實黃芩甘艸各一錢，右剉作一貼，薑二片，燈心一握，水煎服。入門。

### 加減胃苓湯

治黃疸，飲食無味，行步倦怠，脈澹而濡，胃苓湯。方見大便去，桂加藿香半夏太腹皮山楂子，蘿蔔子三稜蓬朮青皮各五分。右剉作一貼，入薑三棗，水煎服。醫鑿。

### 茵陳散

治溼熱黃疸，茵陳梔子赤茯苓猪苓澤瀉蒼朮枳實黃連厚朴滑石各一錢，右剉作一貼，燈心一握，同煎服。回春。

### 酒疸

宜半溫半熱湯，梔子大黃湯，葛朮湯，酒蒸黃連丸。方見暑門。酒後犯房，成疸，宜辰砂妙香散。神方見。

### 半溫半熱湯

治酒疸，半夏赤茯苓白朮各一錢，前胡枳殼大戟甘艸各七分，黃芩當歸茵陳各五分，右剉作一貼，薑三片，水煎服。活人。

梔子大黃湯

治酒疸。梔子大黃各二錢。枳實一錢。一合。右剉作二貼。水煎服。仲景。

葛朮湯

治酒疸。葛根蒼朮各二錢。枳實梔子甘艸各一錢。豆豉一合。右剉作二貼。水煎服。濟生。

當歸白朮湯

治酒疸。有飲癖。心胃堅滿。不進飲食。小便黃赤。赤茯苓一錢。半。蒼朮枳實杏仁。前胡葛根甘艸各一錢。半。夏七分。半。當歸黃芩。茵陳各五分。右剉作一貼。薑三。水煎服。三四。

茵陳各五分。右剉作一貼。薑三。水煎服。三四。

穀疸

丹穀疸丸。小溫中丸。大溫中丸。鐵砂丸。

茵陳梔子湯

治穀疸。茵陳三錢。大黃二錢。梔子枳實各一錢。右剉作二貼。水煎服。綱目。

茵陳湯

治穀疸。茵陳三錢。大黃梔子各一錢。右剉作二貼。水煎服。得效。

牛黃散子

治穀疸。酒疸。及水氣蠱脹。黑丑取頭末。春八分。夏九分。秋七分。冬一錢。○檳榔春八分。夏九分。秋七分。冬四分。○甘艸春八分。夏九分。秋七分。冬四分。

四分。○右細末。每服三錢。五更時。面東南。井華水調服。疾隨下。卽愈。忌生冷。醫鑑。

穀疸丸

治胃暑。痰熱。食穀不消。熱鬱發黃。苦參三兩。艸龍膽一兩。人參七錢。半。梔子仁五錢。右爲末。牛膽汁一。方。用和丸。梔子大。以。大麥粥飲。下。五。七。九。日。入。門。○一名苦參散。得效。

小溫中丸

治食積。疸白。赤。二兩。山楂肉。青皮。蒼朮。神麴。各二兩。香附子。便製。一兩。半。鐵砂。一兩。右爲末。醋糊和丸。梔子。大。空心鹽湯下。七八。十丸。脾虛者。須以參朮陳甘作湯使入。門。

大溫中丸

治黃疸。黃胖。黃腫。香附子。一兩。半。鐵砂。一兩。陳皮。蒼朮。厚朴。青皮。三。稜。蓬。朮。黃連。苦參。白朮。各五錢。生甘艸。二錢。製法。服法。同上。○可借此爲制肝燥脾之用。○鐵砂代以青礬亦妙。門入。

鐵砂丸

治穀疸。酒疸。溼熱。發黃等證。鐵砂炒。紅醋淬。八兩。香附子。童便製。蒼朮。各四兩。神麴炒。茵陳。薑汁炒。麥芽炒。各二兩。芍藥。當歸。生地。黃川芎。青皮。各一兩。半。三。稜。蓬。朮。並醋煮。陳皮。各一兩。梔。

子炒薑黃升麻乾漆炒各五錢右爲末醋糊和丸梧子大薑湯下六七十丸正傳

### 紫金丹

治食勞氣勞遍身黃腫欲變成水膽瘰三兩黃蠟二兩大棗五十枚右以銀右器內入好醋三升先下礬棗慢火熬半日取出棗去皮核次下蠟熬一二時如膏入臘茶末二兩和丸梧子大每服一二三十丸茶酒任下瘰以瀉肝瘰以補脾極妙本事○無膽瘰用綠瘰○一人患酒疸下血面如蠟服此即愈本事

### 女勞疸

宜礬硝散石膏散秦芩飲子腎疸湯

### 礬硝散

治女勞疸白礬硝右各一錢右爲末以大麥粥飲調下入門○一方去硝右代滑石治溼疸入門

### 石膏散

治女勞疸身黃額黑日晡發熱小腹急足下熱石膏煨滑石各等分右爲末每二錢大棗

粥飲調下得效

### 秦芩飲子

治女勞疸秦芩當歸芍藥白朮桂皮赤茯苓各五分右剉作一貼薑五片水煎服得效

### 腎疸湯

治腎疸目黃尿赤蒼朮一錢升麻羌活防風藁本獨活柴胡葛根白朮各五分猪苓四分澤瀉神麴人參甘州各三分黃芩黃柏各二分右剉作一貼水煎服正傳

### 黃汗

宜芪陳湯桂枝黃芪湯

### 芪陳湯

治黃汗石膏二錢黃芪赤芍藥茵陳麥門冬豆豉各一錢甘州五分右剉作一貼入薑五片水煎服入門○一名黃芪散丹心

### 桂枝黃芪湯

治黃汗黃芪二錢半桂枝芍藥各一錢半甘州一錢右剉作一貼好酒三合水



一蓋半煎服得效。一名黃芪桂枝湯。仲景。又名桂枝苦酒湯。入門。

### 酒疸最重

五疸之中惟酒疸變證最多。蓋酒之為物隨人性量不同。有盈石而不醉者。有濡唇而輒亂者。以醞釀而成。有大熱毒滲入百脉。不止發黃而已。溢于皮膚為黑。為腫。流於清氣道中。則眼黃鼻艱。種種不同也。得效。

### 黑疸難治

脾與腎俱病為黑疸。色疸。又名女勞疸。身黃。此為女勞得之。膀胱急。小腹滿。一身盡黃。額上黑。足下熱。因作黑疸。腹脹如木狀。大便黑。或時澀。此女勞之病。非水也。腹滿者難治。仲景。酒疸因之。久久變為黑疸。目青面黑。心中如啖蒜。狀大便正黑。小便亦或黑。難治。仲景。

### 陰黃

治陰黃。身面俱黃。肢體沉重。背寒。身冷。心下痞硬。自汗。小便利。脉緊細。空虛。此寒涼過度。變陽為陰。

也。或遇太陽太陰司天之歲。寒溼太過。亦變此疾。空茵陳湯加入六方。及茵陳附子乾薑湯。綱目。理中湯方。見寒門加。

### 茵陳茯苓湯

治陰黃。小便不利。煩燥而渴。茵陳三錢。作一貼。加茯苓。猪苓。滑石。當歸。官桂。各一錢。煎服。活人。

### 茵陳橘皮湯

治陰黃。煩燥喘。嘔不渴。茵陳一物。湯加陳皮。白朮。朮。薑。半夏。茯苓。各一錢。也。活人。

### 茵陳附子湯

治陰黃。遍身冷。茵陳一物。湯加附子。炮。甘草。炙。各一錢。也。活人。

### 茵陳四逆湯

治陰黃。肢體逆冷。自汗。茵陳一物。湯加附子。炮。乾薑。炮。甘草。炙。各一錢。也。活人。

### 茵陳薑附湯

治陰黃。冷汗不止。茵陳一物。湯加附子。炮。乾薑。炮。各一錢。也。活人。

### 茵陳吳茱萸湯

治陰黃。曾服薑附諸藥未愈。脉尚遲。者。茵陳一物。湯加吳茱萸。附子。炮。乾

薑炮木通當歸各一錢也。活人。一人傷寒因下  
之太遲發黃脉沈細遲無力次第用藥至茵陳附  
子湯大效。一人傷寒發黃脉微弱身  
冷次第用藥至茵陳四逆湯大效。活人。

### 茵陳附子乾薑湯

治陰黃附子炮乾薑炮各二錢茵  
陳一錢二分州豆蔻一錢枳實半  
夏澤瀉各五分白朮四分茯苓橘紅各  
三分右剉作二貼薑五片水煎服。綱目

### 疫癘發黃

天行疫癘亦能發黃謂之瘟黃殺人最急宜  
瘴疽丸茵陳瀉黃湯濟生茵陳湯苦參散。諸

### 瘴疽丸

治天行病急黃及瘴瘧發黃茵陳梔子大黃  
芩朮各一兩杏仁六錢常山鼈甲巴豆霜各  
四錢豆豉二錢右為末蒸餅和丸梔子大每三丸  
或五丸溫水吞下以吐利為效。入門。得效方施  
子丸同即令  
茵陳丸也。

### 茵陳瀉黃湯

治時氣發熱變為黃疽所謂瘟黃葛根  
一錢半茵陳黃連薑汁炒梔子炒白朮

赤茯苓白芍藥厚朴木通人參各一錢木香  
七分右剉作二貼入薑三片水煎服。節齋

### 濟生茵陳湯

治時行熱鬱通身發黃茵陳四錢大黃  
二錢梔子一錢右剉作二貼水煎服。丹

### 苦參散

治人無故忽然振寒皮膚翹塵出小便赤澀  
大便祕諸藥不除因為久黃葶藶子炒五錢  
苦參黃連瓜蒂黃柏大黃各二錢半右為末  
每一錢米飲調服當吐下消息服之。得效

### 搐鼻退黃法

凡黃疽由溼熱毒氣浸入清氣道中宜納  
藥鼻中滴出黃水即愈。空。搐鼻瓜蒂散如

神散

### 搐鼻瓜蒂散

治黃疽渾身如金色瓜蒂二錢丁香一  
錢黍米四十九粒赤小豆半錢右為末  
臨臥時先含水一口於兩鼻孔搐半字便睡至  
明取下水黃水便服黃連散或茵陳五苓散慎不可  
吹入  
本事

如神散

治酒毒發黃苦匏子苦葫蘆子各三七箇黃黍米二百粒安息香二皂子大右為末取一字搗入鼻中滴盡黃水若過多則以黍穰燒灰麝香末各少許搗入鼻中立止得效

黃疸通治藥

黃疸之疾脾受溼熱鬱而不行亦多有腹脹之候治法大要疎導溼熱於大小便之中安胃苓湯方見大便加茵陳及茯苓滲溼湯又退黃散一清飲石膏茵陳散茵陳大黃湯必效散退黃丸綠礬丸褪金丸

茯苓滲溼湯

治溼熱黃疸茵陳二錢赤茯苓澤瀉猪苓各一錢黃連黃芩梔子防己白朮蒼朮陳皮青皮枳實各五分右剉作一貼水煎服一名茯苓除溼湯

退黃散

治黃疸身面如金小便如黃柏汁柴胡升麻各一錢甘草五分右剉作一貼水煎服一名龍膽茵陳黃連黃芩梔子黃柏木通滑石

一清飲

治黃疸柴胡三錢赤茯苓二錢川芎桑白皮各一錢甘草五分右剉作一貼入薑三棗入水煎服

石膏茵陳散

治黃疸下身皆黃食已即飢石膏二錢梔子仁茵陳木通大黃各一錢甘草五分瓜蒌實一箇右剉作一貼入薑五蔥白二莖水煎服得效

茵陳大黃湯

治傷寒大熱發黃疸茵陳梔子柴胡黃芩升麻大黃各一錢甘草五分右剉作一貼水煎服活人

必效散

黃疸通用葶藶子炒艸龍膽梔子黃芩各一錢茵陳二錢右剉作一貼水煎服直指

退黃丸

治黃疸水腫腹脹溇泄等證青礬二兩鍋內化入陳黃米四升用醋拌勻慢火炒令烟盡入平胃散六兩同炒少頃去火毒為末醋糊丸梧子大每七十九丸空心臨臥米飲下忌糯米油麪

生冷硬物。此方印周益公陰陽丸也。蓋青礬乃銅之精液用醋製以平肝。愈於鐵砂如服鐵砂必忌鹽而後復發。青礬則不忌鹽不復發。入門。

### 綠礬丸

治黃腫病最捷。五倍子炒黑神麴炒黃各八兩。鐵砂炒紅醋淬綠礬薑汁炒白各四兩。右為末薑汁煮棗肉和丸。梧子大溫酒下。六七十丸。不飲酒米飲下。終身忌食蕎麥麩。如之再發難治。正傳。

### 褪金丸

治黃腫絕妙。鐵砂煨紅醋淬香附子便浸各六兩。蒼朮白朮各二兩。半陳皮神麴麥芽各一兩。半厚朴甘艸各一兩。右為末麩糊和丸。梧子大。米飲下。五七十丸。忌魚腥溼麩生冷等物。有槐加三稜蓬朮並醋。煮各一兩。半。正傳。

### 聚子綠礬丸

治黃疽肝病。鐵砂煨紅醋淬綠礬炒蒼朮厚朴陳皮神麴各一兩。甘艸五錢。右

為末蒸棗肉和丸。梧子大。米飲下。五七十丸。切忌蕎麥羊肉母猪肉。食之。急戒無醫。回春。

### 疽癖愛喫土炭生米茶葉

宜用四寶丹及疽癖三方諸方。

### 四寶丹

治黃病喫生米茶葉黃土黑炭等物。○食生米者麥芽一斤。使君子肉二兩。檳榔南星薑製各一兩。○食茶葉者茶葉一斤。使君子肉二兩。製各一兩。○食黃土者壁土一斤。使君子肉二兩。檳榔南星薑製各一兩。○食黑炭者君子肉二兩。檳榔南星薑製各一兩。○食黑炭者黑炭一斤。使君子肉二兩。檳榔南星薑製各一兩。○右為末蜜丸。梧子大。晨砂糖水。下。五十九丸。回春。

### 一方

治黃疽愛喫茶葉蒼朮白朮各三兩。石膏白芍藥黃芩南星陳皮各一兩。薄荷七錢。右為末。砂糖水。煮神麴作糊。和丸。梧子大。砂糖水。空。心。吞。下。五。七。十。丸。入門。

### 一方

治黃疽喜喫生米白朮一錢。半。蒼朮一錢。三分。白芍藥陳皮神麴麥芽山楂肉白茯苓石膏各

一錢厚朴七分葶香五分甘艸三分右剉作  
 二貼水煎臨熟入砂糖末一匙調服入門  
 一方 通用使君子肉二兩南星薑製檳榔各一兩  
 喫生米用麥芽一斤炒過。喫茶葉用茶葉一  
 斤炒過。喫土用壁土一斤炒過。喫炭用黑炭  
 一斤炒過。右為末蜜丸梧子大空心砂糖水下  
 五十九丸  
 入門

**可治不治證** 黃疸之病當以十八日為期治之十日已  
 上宜差反劇為難治仲景。疸而不渴者  
 可治。疸而渴者難治。發於陰部其人必嘔發於陽  
 部其人振寒而發熱。凡黃家候其寸口脈  
 近掌無脈口鼻冷黑色並不可治。脈經。形體如  
 烟熏直視搖頭為心絕。環口鰓黑柔汗發黃為脾  
 絕皆不治。明理。黃疸以十八日為期十日以外  
 入腹喘滿煩渴面黑者疾入門。脾胃稍實更難  
 厚味則可治。傷酒色恣口腹者難治。入  
 門。疸病面黑黃作渴腹脹難治。醫鑿

**單方** 凡三十種有  
 酒煮茵陳湯  
**臘雪水** 治黃疸微溫  
 飲之。本州  
**車前艸** 最治黃疸搗取  
 汁服之。直指  
**茵陳蒿** 主黃疸通身發黃小便赤以水濃煎服。生食  
 亦良。本州。治酒疸取一兩清酒煎服。名酒  
 煮茵陳  
 湯。醫鑿

**葛根** 解酒疸小便赤澁取  
 一兩水煎服。本州  
**瓜萸根** 主八疸身面黃  
 水煎服之。本州  
**酸漿艸** 主黃疸根味絕苦  
 取汁飲之。多效。本州  
**萱艸根** 主酒疸搗取汁飲。又  
 嫩苗煮食之。本州

### 王瓜根

治酒疸變成黑疸醫不能治取根搗取汁空  
心頓服一小升當有黃水隨小便出不效再  
服本州

### 青蒿

治熱黃心痛搗  
取汁飲之本州

### 篇蓄

治熱黃搗取汁頓  
服一小升本州

### 黃蘗

主黃疸水煎  
服之本州

### 梔子

主胃熱食疸水  
煎飲之本州

### 小麥苗

治酒疸搗取汁服  
或煮食之本州

### 大麥苗

亦主黃疸取  
汁服本州

### 鮒魚

主黃疸作膾和五味食之又取酒者  
置水中常常看之日一易最效俗方

### 鯉魚

治黃疸如鮒魚  
法用之俗方

### 鼈

治酒疸烹熟如常法  
作羹食數筒愈種杏

### 桃根

治黃疸身面如金色取東引桃根一握細切水  
二鍾煎至半空心頓服三五日後其黃離離如

薄雲散惟眼最後差可時時飲一  
盞清酒則易散忌熱麪猪魚本州

### 蔓菁子

主急黃黃疸及內黃腹結不通取子搗細和  
水服二三錢當瀉出惡物黃水砂石州髮

出差  
本州

### 甜瓜蒂

治黃疸初發及時氣急黃瓜蒂為末搗兩鼻  
中出黃水又取一錢調溫水服得吐黃水便

差  
本州

### 絲瓜

治積傷酒麪發黃完絲瓜連皮子燒灰為末因  
麪得病麪湯調下因酒得病酒調下數服即愈

種杏

小芥

治五種黃病取汁飲之作糞菹或  
煮食或生食並得宜常食本州

生蔥

治傷寒發黃目不識人生蔥火煨熟去麤皮取  
心生蔥出汁生蔥香油點兩目大小皆立明又燒

酒口論命病人開目  
噴之其眼自明種杏

苦瓠

去黃疸煎取汁滴鼻  
中出黃水本州

絲蓴

治熱疸作糞作  
糞常食佳本州

冬葵

治時行黃病煮汁飲又  
作糞作糞常食本州

白烏雞

傷寒發黃胃心昏悶不省灰在須臾白烏雄  
雞一隻去毛及腸屎以刀爛切鋪心頭上少

項即活  
醫鑿

熊膽

療天行黃疸取少  
許和水服本州

猪糞

治同上取糞漬水  
取清頓服本州

猪脂

治五疸及胃中有乾屎發黃前以猪脂取  
三合日三服大便乾屎下乃愈本州

訂正東醫寶鑑雜病篇卷之六

東醫寶鑑雜病篇卷之六

